

黃山志定本

黃山志定本卷二

吳山僧弘濟益然閱定

原姓汪名沐日子扶

新安閔麟嗣賓連纂次

同學程 守非二

吳 綺蘭次

吳聖修塋公

江銘勲尚一

趙吉士天羽

汪士鉉扶晨

黃元治自先

汪 楫舟次

江 闔辰六

程 謙山尊

吳 苑楞香

吳之騄耳公參閱

建置志

有山非人不傳有人非宮室不居山中佛舍道宮以及
亭榭池館之興衰皆建置之事紀建置第二

祥符寺在紫石峰下唐開元天寶間志滿禪師創始創
經舊志失載大中五年刺史李敬方感白龍見建龍
堂於湯池之西天祐二年刺史陶雅建寺號湯院南
唐保大二年勅爲靈泉院有碑紀事宋大中祥符元
年勅改今名元豐甲子寺僧文太重建明正統丙寅
僧全寧修之嘉靖癸未僧暘谷又修之萬曆辛巳李
邑侯邦和捐俸又修之田廣文藝蘅有記寺前羣峰
聳秀溫水生香古木千章風動谷鳴清谿激越有若
響答真入山之奧區也或云寺卽軒轅宮溫泉石壁

軒轅行宮四字鐫石猶存

慈光寺在朱砂峰下舊稱朱砂菴嘉靖間互陽道人舊
居萬曆丙午普門師入黃山互陽之徒福陽道人以
庵昇師改創法海禪院比入都願力冥感於慈聖皇
太后頒內帑爲薙髮賜紫辛亥秋神宗賜寺額曰慈
光降勅護持今寺尊奉藏經一部計六百七十八函
慈聖所欽賜裝潢也四面毘盧滲金佛像像七層層
四尊凡二十有八尊高四尺有蓮花座座有七準提
居葉中一葉一佛佛以萬計皆慈聖及兩宮所施造

隨經供奉大悲金佛十二尊助建寺帑銀三百兩
青官賜大悲金佛二尊普門將構四面殿手削木爲
式四阿四嚮不失毫髮康熙丙午同邑黃太學侯始
捐金鼎建大殿閱四載落成金碧輝煌爲新安梵宇
之冠大殿原擬名景命方丈那是我的四字普師自
題

程從仲云寺藏佛牙賜自禁波約重三錢色若車渠
而光潤滑膩過之見者咸疑世人罕有此齒密如
是則口當如箕然佛身不可以情量史冊載防風
氏其骨專車推其牙應復如是大抵人身大小視其
劫數中古之人已不逮上古何況叔季曩聞之藏用
先生云此是辟支佛牙僞者乃外國模齒非真牙

由普門塔循級而下至山門雨過瀑布夾道早則涓涓其流再下爲三山門石路由僻雨渡板橋澗底怪石成林石子高過於山丹井巖其上白龍潭亦藏澗中

翠微寺在翠微峰麓按太平縣志唐中和二年麻衣祖師包西來振錫翠微峰下置豚衣道場經數百年迭有興廢萬曆戊戌洪永衝次寺僧木是修之乙酉心空師重建邵孝廉漢元有記祖師塔在寺外寺卑處山麓如人間梵剎平坦處更須蒼厓雲水高人幸勿望崖而返

潘之恒云客問翠微何以稱勝余曰由普峰得一峰則孤勝由百境會一境則衆勝翠微之在黃山猶雲

中鶴淵中龍威藉珠光自端又客語余曰黃海諸峰與翠微不可以大小尊卑論矣在翠微則黃海諸峰伏而不見見黃海諸峰則翠微亦隱大小尊卑之若相攝而不相乘相避而不相凌也固如是哉可謂善言山之槩矣湯太史題食堂曰隱翠其亦有會心乎

松谷寺在疊障峰下張真人初居太平南鄉花山寺後遷此松谷其別號也遂以名庵今爲寺庵額羅公汝芳筆又東土雪山四字亦公書甚蒼勁堂後禘黃二字湯祭酒賓尹題真人塔在殿後黃山有兩松谷一卽此一在北獅子峰下北峰似借稱耳

方士靖云下松谷十里奇峰夾立然諸峰前影從松谷迤路正當之二石刺天類雙尖頭奴勢逼則各具

數國秀色轉撲有偶露半面從人後看行人林外度
者又故掩松際如不欲人恣觀者非一上一下未足
想其奇遠也

吳光賢云由師子林石笋缸正北直下兩山相夾路
逕畧無起伏但多林巒幽僻之致山色蒼然似畫家
用焦墨大劈斧皴法壁挂藤蘿與日光相映二十里
過庵庵前大溪溪上石壁高聳五龍潭在焉祖師五
代時人

龍吟寺因龍吟石得名

花山寺在太平南鄉一名松山寺

重興寺寺前多松竹槐花後一絕志寺在太平縣北
舊名碧雲庵宋紹興乙丑賜今額

興國寺在重興寺側

廣福寺在太平西鄉舊名羅漢寺宋太平興國五年
以聖壽爲額乾道初改今名

新興寺在太平道泰鄉宋紹興十三年賜額
蘭若寺在太平東鄉宋淳熙中賜額

新林寺在太平西鄉宋紹定十三年賜額

兩寺皆在太平四境可別因舊圖載之皆爲余足跡未至不敢臆斷姑附見若一粒玉壺城山隱源諸庵觀皆與山相近亦存而不削俾來遊者得備考焉

榔鉢禪院在鉢孟峰下山隍中俗名丞相源源爲邑巖

鎮汪氏書院萬曆己酉寓安寄公乞地於汪不數月

遂成梵刹潘公之恒初名一鉢太史湯賓尹易爲榔

鉢晨昏課誦悉稟雲棲筵庫各有所司截然不紊無

易守公更擴增之僧成演能繼其志雲谷二字邑宰

傅巖題重建藏經閣并請藏經碑記郡司馬聶煒撰

九龍潭去院不遠蓋精舍之極嚴整者

文殊院在天都蓮花兩峰間後擁玉屏峰前有菩薩座
登座跌坐煙雲無際萬峰出沒足底院爲普門大師
創崇禎子丑間不戒於火戊寅休寧汪之龍重建過
小心坡夾壁爭高綫光曳白爲一線天又進級轉壁
回厓益崩磴益削途復窮雙崖斷若峽假松棧以渡
渡已升級天復一線級愈升壁愈合相視顏色如夜
約半里仰窺石頂突口如喉憑梯出突突出天開衆
峰盡露里餘至院光明頂之曠桃花源之幽石筍石
之異各擅其勝惟文殊院兼收之其奇尤在山徑緣

梯棧穿石穴歷歷見遠山平楚故景爲獨絕院額到者方知四字邑孝廉汪沐日丙子年題今作密雲老人誤柱聯孤雲臥此中萬山拜其下釋道揅書右側憑虛閣可望後海諸峰院殿後復構閣則聽其久廢矣院記太學潘之

吳光曾云自步雲梯後石脊峻出左右巖峻然而起者爲蓮花峰從石脊體容隻身摩躋而上隱羅在霄漢間稍開餘地其高則三之一也向老僧靈處結廬其間今爲慧光住持無得而退若茂石成垣堂殿北向有憑虛閣巖巖宛然閣前殿後峭壁陡絕非常綠木作梯躋路而登驚迴峰頂二三層俱開南面行人肩輿間遠若圖對道園再梯則峰之絕頂還白雲梯舊還旁行數里從大洞中拾級而上若門

若戶重重松石憑空數石當閣轉運却爲虛洞洞口
左掖巍然峭壁壁底復開一級長數十丈廣僅二三
尺級眠古松身大於級狀類老龍招傳爲臥龍松入
洞明爽洞頂露天開竇如井觀止矣從竇中扳梯
身直上峰巒不啻萬計若素秘帳中發之而出此黃
山另一壺天也突兀而起高下相應後枕前伏儼然
臺座座外平坦去百武下臨千仞高聳一臺與崖相
接爲獅子座座下皆奇石若金剛佛足山之具體象
嚴比之天子臨軒天都蓮花如承爵將軍端拱攝日
而不敢旁視遠則旌旗劍戟而守城壘近則冠裳佩
玉舞蹈而俯階陛又比之尼父登壇顏回輩得以履
其室卽由賜諸徒德未能窺其深法也

大悲院在蓮花峰右踞四山之中光明頂名大悲頂者
因供奉皇太子賜大悲觀世音像故名院曰大悲頂
寶山腋耳院有金剛般若鐘取諸金剛經文其範五

千一百七十六字開汪景和欲鑄鐘大悲頂普門曰
獨鑄不可當與衆鑄重萬觔次五千四十八觔景和
則鑄其次他日普門過淨室有僧述夢大悲頂當鑄
巨鐘具如前語其神異如此辯蓮居三字戴與題
普賢院在大悲頂之西

平天院在平天砭窪石爲盤天成鑄石爲佛累石爲塔
人力茅宇則介天人之間禪意悠然坐看雲起

普祐院在曹溪出院南望雲門鉢盂峰高山雲霄之表
宋紹興中奉勅建嘉定中歲旱禱雨立應因名大聖

山元至正己丑復造院左有元時斷泐石刻嘉靖四年邑人吳傳芳重修婺源汪太宰鉉有記勝蓮庵亦在曹溪

桃源庵在桃花源源中多桃花故名相傳軒轅氏採藥谷改稱藥谷庵爲同邑余書升建今爲豐南吳氏別業地廓室麗一閣踞大石上潭中洪濤怒張有排山駁石之勢閣正敵衝波安坐觀焉因名狎浪對山羅漢級雙瀑正當軒戶晴雨異狀濶時雲行可延客待瀑至飛白二字陳繼儒題最奧處有小室階前一石

偃仰奇崩斯在二字羅逸題庵有勝三閣一軒一而

建庵者之心亦居其一

張松公曾結庵潭外二里許舊址尚存

余書升云庵運離湯寺就高巨石磊落如屋從款側中數折入沿溪水聲在耳背脊在目夾道皆大石與喬木參差互映石似藤蘿爲蒂異樹汲其上行半里一巨石如伏蟠中隔二尺許一巨石似臥受之過此摩壁登高下有小澗爲橋以木橋斷橋登級石轉巨石如箭上下皆平厚三尺餘環三丈兩石擎之一石如鼻仰受交處不盈二三寸似戲爲之者中室數石去之可通人行嘗運稍遠余見竇遂從北另取是登其上四空遠眺殊可布席穿竇再轉一行壁立橫亘數丈旁石湊爲小島遂隔水聲使微古穆四株花時籠覆運上再折而登始見庵徑至此里許數武卽吹觀此爲折四十二登高三十六

蓮花庵卽唐湯院遺陸僧印我建庵額袁儀部黃題循

白龍潭而上半里至庵庵在山谷中庵前五峰聳翠衆壑爭流山水奇矣黃山多石少土獨庵有地二畝宜竹竹如挽口大惜山光半爲所掩不足貴庵鐘猶建文年號莫考流傳令人愴然起遜國之感

丁公庵在水簾洞右山路巔絕行磴上者春苦苔秋苦落葉冬苦堅冰助磴溼滑攀蘿登之愒假恐失墜庵廢最久

墨浪庵在白龍潭上因僧墨浪主此得名按紫石志白龍潭原有靜蓮數間久廢康熙乙巳汪惠羽爲僧今

子創建疑卽此地

雲濤庵在蓮花庵東南十里西蓮花峰近雲門爲藏雲之壑風濤變化無常夾谷之下疊石壘壘舊基存焉橫阮庵在雲門峰下與蓮花峰相向有石創伏澗澗依稀見天寶六年重修六字疑卽雲濤庵

釣橋庵在湯嶺北介兩橋之間庵久廢僧神立重建竹林庵在伏牛嶺下卽僊壇宮舊址其地爲宣池交衢下湯嶺十餘里至庵頂有浮屠久廢宮側有石巢爲陳君魯隱居斜嵌石壁間望之如鳥窠

自桃源庵至此由祥符寺左踰澗過湯嶺至伏牛嶺
龍蟠坡庵在青鸞峰下休寧戴雲卿建室宇精麗可居
趙州庵在天都峰下顧太史錫疇題曰山郵崇禎甲戌
有龍起庵側山崩石墜庵正承之椽桷無恙庵前落
石如几五松錯植石上僧云乃隨水漂至者庵後可
登玉屏峰右行五六里至一線天

蓮頂庵在蓮花峰月池下崇禎時休寧某建其人逸其
姓名自負一囊來遊後捐金五百建庵峰頂亦奇士
也庵去天尺五高危難居僧心源好奇隱此適峰頭

大雪念餘日糧絕食雪又十餘日得不死遂踏雪冒
險而下嗣無敢棲之者庵今廢趾存

貝葉庵在蓮花洞之上大司馬方公一藻建近侍一峰
雲鬟雙秀見月大師至黃山訪一心師耽此幽寂住
靜三年去

天海庵地擅後海之秀久湮榛莽僧心月築室其中繼
心月重葺者爲在一上人

彌陀庵臥雲庵俱久廢趾在煉丹臺側

指月庵在煉丹臺側潘公之恒同黃公汝亨信宿龕中

因僧號一指遂以指月名庵循庵至臺壑中拔地之峰卽爲通天之峰往觀平臺前之景收歸之庵以供朝夕庵與臺無異也臺以日治庵以心治

指象庵卽指象處下煉丹臺步溪壑中可至幽溪沈與不異井底真學人戢身竊孔處也楚僧如愚註法華庵中萬曆戊午僧亦幻復造夾山林臯和尚住靜三年庵有方池廣二尺寒澈無痕影相傳爲丹井

別峰庵取別峰相見義僧天吾建崇禎間不畏上人請朝宗忍公居此庵面面受奇怪石橋距庵不遠尤奇

白雲庵僧大量建徑最陡微級沙石間推挽進步乃
至庵左右皆奇峰居上臨下地窄天寬山高無風松
危自響禪棲之士立雲煙中俯看風雨今靈境聽其
毀廢何好奇者久無人也惟有福人方肯住山良然
鄒匡明云行至三天門則兩壁對聳平如削削上插
霄漢俯心月鑿山通道從石隙中出仰視天如匹練
山脊如刀背僅容一足下臨萬仞不敢淺視從藤梯
攀援下絕壁沿途煙蘿四合秀石香草慘錯於絕壁
懸崖間翠肌玉脉碧葉金光與短松相爲掩映
庵在湯嶺之西

石鼓庵在石鼓峰右曹士璜爲僧隱空建

海潮庵在海子庵額馮司成夢禎題其地觀鋪海最勝

慈愍庵在海門僧慈愍建高岡夾道人谷若村莊農舍
問而知爲慈愍庵庵後級層層拾而上爲藥師殿一
名藥師庵前有小池清夜月明風定林巒倒浸其中
如鏡中影清澈可觀

西明庵在獅子峰旁鮑正元爲僧若水建其地可望匡
廬雨後夕陽尤勝

半禪庵在海門太平譚學份建延僧遷如居之

五供庵在後海面迎大壑廣遠百里近山五岑作庵拱
向遊人回望向來徑蒼蒼橫翠微奇峭之思稍平曠

宕之懷欲出矣

穎林庵在石筍石余書升建奉佛樓上右翼一軒庵前
秀峰林列排空直上劉波青天爲數十道方之吳下
天平小巫矣樓有聯自疑騎日月我欲小蓬萊陶珽
題

汪晉穀云石筍石百萬千才森列錯轉如常山蛇勢
石西望有立佛東望有貢寶番附於石腦有遊仙皆
裁石肖形無毫髮遺恨佛宜冠冠之香宜弁弁之僊
宜劍劍之宜佩佩之宜髻髻之宜巾巾之造化狡獪
一至於此大奇大奇

疑文蔚云山石筍峰下石筍錯峭聳插漢其峰各有
形似若諸天散聖觀面參請若垂紳正笏東西班立
若奇花美女爭妍角妙朝暮仙影彼此相親竟二十

里水口收之數折而至松谷庵黃山奇絕無逾此矣其地屬太平從新安來者鮮有至焉

方士翊云望石筍石諸峰片片是削乃若秀拔千尋奇姿萬叠恍如朝霞布采雖置丹青於其間何所舉似

汪大海云從始信峰轉至石筍石其峰石之怪審天地所有物象靡不備具竚望久之目眩神搖不信人間有此異境也

鄒匡明云尋石筍石可見諸峰亭亭屹立有驚起者有獨拔者有橫裂者有直折者有崩又壓者有危又墜者左右無支峰無贅阜而石骨中皆有怪松倒植橫生蔥蒨相糾

吳光胃云今人家園圃中得拳石丈許色鮮質麗者若獲拱璧此則萬千羅列令人應接不暇短者僅寸長者千尺或峰頂若錐大石覆其上寬廣數倍枯附依稀恒有落勢皆不可以理度者乃至投貌肖形則昔遊人已不勝舉似安得強生提議為散花鴈去師于林不遠自北而西人各宛然門戶四面蕭瑟布列

高峙若城郭下臨溪壑古松怪石穿插行上下參
差千態萬狀黃山之勝不待言而一片幽奇秀壑之
致造化獨鍾於此方若迴爾不到黃花焉不知天下
無奇石迴庵謂一步一叫絕今則一步十叫絕兩人
足當此山知己

余嘗升云後海峰多而秀惟秀峰多秀不能至多亦
不必盡登至以疑遠不至以疑峰日不暇接變化萬
狀奇矣奇矣庵前後左右盡峰也峰峰倚然實峰峰
位置無心有心真而幻幻而真以解解之不得他處
看峰今日散此處看峰今日欲迴環顧盼不圖峰亦
有情若是至其高欲入蒼昊前欲棲幽壑欲橫斜縮
又烏能名言之

又云庵右啟一峰高數十丈墮下絕上嶺坦如舞將
解逼有筍形山下隨處仰觀翠峯聯合爲一不復錯
列獨此才然孤秀庵中視之與外峰實相懸遠疑若
點附值雲霧時隔出亭亭孤立不負筍稱他峰卽秀
削峻拔不得名筍

又云庵左一峰拔起溪壑中由庵後取逕頂背間尚

有數丈沿逕盤轉翼以挂松頂復折爲小峰峰尖松
復籠之峰南正對佛掌五峰巒列長短大小如掌形
呼爲佛掌峰

又云峰腰忽平如截後甯半壁爲障亦可謂闊矣坐
爲迦默峰俯通溪壑遠望皆古松松頂正與坐齊如
蓮雲上登坐數武皆宛轉行松底前望高山景色煥
發至平坐而山意盡收

散花庵在散花鴈陽中多怪松奇石異卉交錯如綺繡
兜率庵在合掌峰下僧一心建佛廬三間坐迦達壑三
方環秀一面列缺若鑿翠者一心四川嘉定州人從
一齋和尚受具戒日誦華嚴經勤持律法至老愈嚴
庵一名皮篷以杉皮上獲得名庵之徑從師于林左

時曲折而下山靜殿希鳥舌簡訥

三龍寺至北由慈光寺而上這是文殊院蓮花峯道中併前後海

白沙庵在白沙紅直降則丞相源橫折則僊燈洞兩地名勝庵爲之郵昔僧崇梵住此禁足三十年

九峰庵在紫石峰左僧壽鼓建

寶珠庵在香爐峰下北僧萬緣建修竹綠淨可愛竹外天都蓮花兩峰錫而立

真谷庵在丞相東源北僧老巢建庵居僊都羅漢二峰之間

節賽庵庵下丞相源十里許遊者取逕爲望美人峰

中源庵在丞相源之中源旁拱雙劍香爐諸峰遊消搖
溪者皆少惕庵中問津於僧然後行

新羅庵在鉢盂峰下圖經云東國神僧來此修禪定絕
色味久之乘龍上升其鍊丹之處梁大同中有人見
一鼎并石竈藤蘿纏鎖其上今踪跡之不可得蓋搜
古僻情夫人而有之也

繼竺庵俗名脚庵擲鉢院之別築也僧人人務農庵中
多農具雖庵如農家服田力穡天三百畝輸將本院

作供十方

自白沙庵至此山虎率庵下丞相源至廟庵

大悲庵在芙蓉峰下元時僧妙真建

巢翠庵元大德六年僧宗茂建林木翳蒼中蔚然而秀
削者壘障峰也峰下翹然一庵庵何勝以空翠爲勝
呂公庵在壘障峰下元祐四年僧普惠建

芙蓉庵距松谷三里庵樸陋無奇

老庵一名老庵基在石筍峰下張真人初遷松谷舊址
寒山樸澗醜石榛塗土非死心討幽鮮不敗意然循

途所至若天眼天牌石五老峰僊基座上昇峰皆可
收之眼底

松谷脚庵亦松谷別築距虎嶺折足橋里許

翠雲庵在翠微峰西僧印生建

引針庵在引針峰下僧一心同徒雪奇建平樂淨土四
字桐城孫司馬晉題

洋湖庵在芙蓉峰下湖廣約十頃安公云大悲頂西北
爲洋湖吳中秘養春爲羽士甲清虛置今施慈光寺
大悲頂個圓四山狀如蓮花繞湖內願築臺湖中造

金剛無量壽殿開十門殿外離水二丈周遭築甃陡
上建十堂接待十方龍象堂背面佛各用橋度入殿
堂後重簷上爲閣四面環洞往來周旋願暫未副个
一望淫淫而已湖旁觀音寺廢且久

弘濟庵在三寶院僧相子建大悲頂青宮賜像長供庵
中

自大悲庵至此屬太平

淨土庵在浮溪巡司前短牆茆宇野趣少市塵多矣而
僧正以此得閒曰淨土警辭也何勞勞者之不息也

挹翠庵近江村其地從雲門峰迤邐西來險不踞奇峰
近不鄰人境孤不入荒寒山連嶂疊谷抱溪迴庵正
多遙秀可攬而佳在不遠乎名山

御泉庵在雙嶺明太祖駐師得泉亭許鮑公應鰲重修
庵記中

以上三庵由巡司過大河橋至江村雙嶺係通休寧
道中

水晶庵踞嶺上去甜珠嶺三里許天順間建歙吳少
司馬寧有碑

鏡臺庵在曹溪門對高峰湓之恆卽用曹溪語以名之

一柱凌虛在聖村後山之極登山之路折折有松有
莖有澤有澤

王臺庵在開黃里山篴杉篠簇蔚蔽日登巔俯溪壑
然適也庵有杜鵑一株高似許頂平徑丈餘蓋時如
列星麗天穎碧相間花時如竟天朱霞紅光熠煜昨
予不得正親屐來飲勁若初日浴海光搖不定真奇
觀也昔郭小花大枝間篴稿康熙二年里人謝君兆
改造弘敞花日幸其繁茂矣
以上四庵由甜珠嶺出開黃里係通款學道中

浮丘觀在浮丘峰下唐會昌中拆毀觀趾猶存水旱祈
禱立應明宣德間道人鮑興道募新安衛千戶趙安
等重創并甃治道路載郡志又唐時浮丘廟亦在峰
下有丹竈石壇舊蹟

九龍觀圖經云在九龍峰下一統志云在太平縣西南
舊傳漢永平九年地湧九泉因穿九井唐開元中爲
僧舍宋政和五年勅改九龍觀

城山觀在太平縣西原焦村卽宋黃山堂堂面山臨
流宋司戶焦源建後人焦頤重葺榜曰城山書院今
改觀祀玉虛真人
焦源觀林阜周密翠峰列其南郡人吳萬竹至元中
會居之

僊都觀在僊都峰下

關帝祠在慈光寺三山門外祠前植萬壽芙蓉兩本靈
役千峰四字方太史拱乾題今祠改建二山門左

西峰堂去翠微寺半里許平地突起一峰態甚娟秀山
半築堂堂前花竹秀野壑中植茶花時香雪霏霏堂
側有鳴石山房爲焦氏別業

伽藍堂在慈光寺內堂前方鑑一泓泔然米魚聚族遊
泳皎若行空不知爲水也遊人投飯餌啖叩有聲其
爭餌者騰躍數尺按金魚古未聞鼠璞曰惟杭六和
寺池有之

松谷草堂在松谷西偏曾祖訓從岡至山懷棲隱志太
平陳邑侯爲築堂三間閱月堂成陳目浴有記紀其

事

煉魔場在慈光寺內朝鐘夜磬疏板枯魚梵音雲屯魔
場人聚羹草茹麩臥薪結鵲而不散不惰者普門之
清規也茲堂興於普門今易圓覺名往事不可復追
矣然鍊魔本非微妙法去其教存其堂不亦可乎

師于林在後海五臺僧一乘建潘之恒有記前對獅子
峰峰爲林案從林中望峰峰極峻及登文殊座俯視
若奮迅狀旁拱一阜平廣如虎丘千人石一獅蹲其
上宛若鏤刻坪左右山海棠萬株環之尤多萱草花

時遍山壑作黃赭色林近荒圯外建有師子幢

萊光岫在師子林石壁石刻飛光岫三大字趙宦光篆

萬笏林鍊丹臺前茆舍也僧若水所棲僅容几席入其中則百峰林立悉出欄檻下萬笏林三字鄒匡明題後程道人君政改造較前軒敞今亦圯廢

梅檀林在海子林莽中原名海勝庵僧隱空建從此度石鼓峰觀赤線潭潭有龍人或驚之則雷雹立至

喝石居在蓮花峰茶庵之左僧照微建峰頭數大石如屋嵌空玲瓏直出似墜復倚庵正藉石覆而得高危

秋溪丹楓綺疊目逆層霄如錯繡窗前一樹亦青鬱
可愛僧云前雷雨崩石道人喝之石不墜故名或云
原作藿食之二說非誕卽訛

淨林居在蓮花庵左黃儀部汝亨倡立併題額後爲華
嚴閣門對獅子峰天都蓮花鍊丹諸峰聳峙如列障
南戶接雲濤庵

不立名字廣蓮花峰高九百仞千霄插漢從兔耳石右
向拾數十級轉入三石罅至廣橫可二十笏短垣開
戶如輪光普門建朱鷺有記峰脰勝水池一日夜僅

供三人但構小广山居谷飲無綆汲苦後休寧程君
紹爲僧無得擴之水不局用遠剡爲勞乃知高人建
置不可易也

青蓮宇在蓮花庵右余書升建左青鸞峰右水簾洞遙
眺湯口空曠無際書升每剝一庵皆有思致有文心
僧一念居此最久

掀雲牖在玉屏峰道中

定空室在始信峰絕頂僅容蒲團僧一乘居三年每從
師子林暮梵畢雖昏黑大雨雪必于影歸宿室內絕

無傾顛之患後道者鳥窠採藥黃山亦喜居此文學

江天一來遊書寒江子獨坐五字

始信峰在石筍瓦散花陽之西南三面臨壑背北面南從絕壑中凸起東面一峰隔丈許澗下豈只架木作橋兩木相接可至峰腰左垂巖一松偃枝扶手此天奇也度橋卽入石拆窄窄僅容身盤折而上稍以碎石補綴爲逕頂倚片壁有室在焉室前方松數株按始信名自佳謂從丞相源登者見其奇按始信爲峰也葛提學寅亮取楞嚴義易爲十信夫之穿鑿可笑

羅珠室倚丞相源絕壁僅數椽耳竹籬茆屋瀟瀟絕塵

室後一石廣亘數丈圓如珠邑程公鼐持策嘗讀書

室中丘太守齊雲訪之爲題庵額焉

光明藏一名覺海庵又名招隱庵在光明頂之隈月塔在焉三疊石而銳其首月出照之爲光明界僧智空縛茆其間室甚湫隘

浮丘壇在浮丘峰下昔有人至壇所樓臺儼然前有白蓮池左右有鹽積米積歸而邀侶再至烏有矣壇前後多梅花二十年無來遊者途已荒塞不得至

逍遙亭在湯口距溫泉二里許溪中凡七八潭

沆香亭在湯寺前邑侯葉高標題一名清冷界亭前鄭公釣石在焉

溫泉亭在泉之右稍側稍高巖壁上捫乃仰澗聲下聆
乃俯行役告勞乃憩浣濯告竣乃風乃瞻危巒乃囑
幽林乃問法老衲壁詩石刻一切置之乃快

響雪亭在白龍潭側豐潤曹創建柱聯有水聲千澗雨
山氣四時秋之句

辨源亭進慈光寺山門二里許黃山水源於亭辨焉丹
液一杯漸江千里八字顧太史錫疇題

得心亭慈光寺山門內第二亭子東土一山空天積翠
慈光寺也亭高踞坡頭化城未真梵天猶俗人人急

須進步此中尚非安身立命之鄉

步雲亭在朱砂池畔嘉靖間互陽程道人建亭額其自
題也普門原號雲亭遂成和尚開山之識

君子亭在慈光寺華嚴堂左木蓮花放時可坐觀可行
吟周元公目蓮花爲君子西域寶樹亦以蓮稱亭得
名以此

半雲亭在湯嶺雲門峰下嶺踞要衝亭之上孤雲自飛
亭之下流泉不息

晤倦亭正對老人峰亭去峰甚遠瞻之若近邑文學程

希范重葺

立雪亭在文殊院獅石之右正對石筍石後遶羣松前
臨溪壑遊者從文殊座至此去一天地得一天地
智如亭在天紳亭上三里至擲鉢院

天紳亭在丞相源道中亭中坐觀九龍潭如編貝如貫
珠雨後海涌湧濺咫尺有千里之勢二疊不並美耶
點石亭在腳庵側山遠而原矣峰盡而田矣至斯亭者
就寶地也升之卽塵境也降之

觀黃亭在山口嶺之巔嶺上有庵近慈雲路開甘露門

年年爲亭書客來參趙州禪者皆生歡喜心

芙蓉亭在芙蓉峰南峽當孔道亭其上行者涼豁夾背
引領天都以下峰峰嶺巖巖壑壑天地太古何所
從而遽生此奇又何所從而遽來置此身於萬山中
彼悠悠之人何以悟此

懸響亭在翠微寺石橋畔幽人高衲來聽溪聲低徊留
之不能去

錫泉亭在翠微寺前翠微有錫泉如祥符有湯泉也湯
泉名著錫泉名隱隱斯僻僻斯靜靜斯真矣錫泉今

無亭吾正賞其荒廢

期鳳亭近普佑以綠篠森布枝葉檀欒翠色可染山僧
煙火寥絕得此其生從亭可至香溪至盤雲嶺

龍門橋在湯口社稷壇旁

湯院石橋一名臥龍橋古剎香泉分麗兩澗過此可尋
桃源法海諸隘

虎頭橋在虎頭巖上淵激石礨大爲於擇作勢

橫院橋在香溪上此溪中一大石界水分流爲溪砥柱
兩板橋架其邊一可坐數人北望僊石橋梁洞歷歷

釣橋在湯嶺澗峽間橋之上臨以頽巖度橋一逕廉而
削沙滑滑不受履善忘其勞乃得白雲庵

斷凡橋橋架絕竅上下臨不測蓋安公後山尋夢處也
吟嘯橋在白鷺嶺下名最著凡山遊者必履過此萬慮
俱捐惟有吟嘯

折桂橋在湯川

翼然橋率徵寺前有澗古松修篁夾澗澗之上僧橋焉
覆以屋汪文公榜曰翼然

折足橋在虎嶺下橋左右平廣澹衍人家依林而居遊

者至此輒買杖掉臂行如添一足亦可名添足橋

星橋唐公元有次程以文黃山星橋詩

僊源橋在金絲嶺下從湯口來者踰金絲嶺過僊源橋
至脚庵至丞相源橋畔數家蕭然有流水孤村之致
呂公橋俗名狀元橋宋呂溱建溱字濟叔歙縣鎮人左
史午從祖也貫江都寶元元年進士第一官至樞密

直學士贈禮部侍郎

山產志

靈區既富石嶂不童大生廣生之屬山白生之山之才也於人力乎何有紀山產第三

禽屬 神鴉黃山有兩神鴉客至輒先期鳴客遊山鴉背行而先若導焉每就山僧掌上食生雛不畜山中至翮健時引遊徧山送出山外蜀中豆豉山有二鴉客將至必飛鳴與此同見唐杜光庭記

出樂鳥祥符寺龍池有啼禽名山樂鳥侶常入九鳴不擇時聲甚異有節奏有疾徐若歌若答春至則雛或

日頻伽鳥也或疑頻伽爲鸚鵡鸚鵡形色不同武昌
府崇陽縣巖頭寺畔亦有之每日五更必鳴其聲清
歲止見一雙飛翔不出數里外唐張說有時樂鳥詩
酉陽雜俎亦載其事

鶴一起千里古謂之僊禽山中有之不數見

白鷗性耿介難畜雄彩而文素角互英二角壯時隆起
出英上觜爪頰皆赤色然角或靡縮蓋因氣鼓而後
壯也其羽末黑文如灑戢若綠縈又如界地錦惟尾
受二莖無縐文班如也見於黃山青色澤而神王一

五鶴水鳥而巢棲或樹巔或層甍以水爲用將雨則
鳴晴仰陰俯類鶴頂似而無丹冠項似而無鳥帶以
喙相擊似唳而不善唳伏卵時數人水卵則不暇將
殼雌雄銜卵以拋以承如飛狀曰胎教也得雛母漁
而養鶴多色白黃山之鶴獨立羽奇姿古異於常鶴
碧雞形色如雉翠膊碧臆鳴聲甚清性不羣雖離時時
相逐

鴛鴦出谷溪雉爲鴛雌爲鴛飛止相匹雀豹古今注謂
之匹鳥大如鴛杏黃色頭戴白長毛垂之至尾尾翅

皆黑今畫家所繪女紅所繡多取黃赤五采者皆鴻
鴻耳然鴻鴻亦鴛鴦之類色多紫

獸屬

僊猿一白二互常在蓮花峰腰不與衆猿爲伍
白者踞石如雪普門呼爲雪翁互者長鬚三猿出沒
不常見之者少猿之羣每至數之必九十九猿

白鹿僊獸按鹿牡者角生三年角自解善聚善散壽千
歲滿五百歲而色白爲瑞曾見之石人峰下

蒼豹按豹似虎園文其斑錢一各程其食糜有程度故
從勺勺器之小者陶谷子妻曰南山互豹隱霧雨而

十日不下食故虎多見豹少見况蒼豹乎石人峰下亦有之古質蒼然文采榮發武猛不噬

朱砂鼠色純赤余書升曾見湯池中鼠食砂而色變理或然也

驤鹿之屬性善驚而無魂者曰驤有虎豹之文喜山故山中多驤

獨角獸羅願爾雅翼曰如驢一角曰閭閭獨角獸也或曰如驢岐蹄周書王會篇北唐戎貢以閭山海經縣舊之山其獸多閭

熊形類大豕豎目人足黑色有無角者有有角者輕捷
好緣高木引氣見人自投而下亦以革厚筋驚用此
自快冬蟄於穴春乃出巢山崖枯木中謂之熊館或
析木疊如牀臥其上謂之熊牀背上肪色白如玉味
美寒月則有夏月則無謂之熊白饑則自舐其掌故
其美在掌謂之熊蹯陸佃埤雅云其膽春近足夏在
腹秋在左足冬在右足熊羆皆壯毅之物屬陽

山羊一名野羊角大爾雅云羆也角細者爲羆羊羆音
桓形質如吳羊黑色或淡褐色行走峻阪猿捷其皮

厚其肉肥其血專治傾跌諸症山民苦茅藏雪中布網捕之挺擊至死擊愈多血愈盛

兔諸山多有按兔吐也唇缺尻九孔其迹远絕視月而生舐雄毫而孕孕五月胎於頸吐而出曰婉世謂兔無雄非也五百歲而毫白兔從兔字加點作兔非

草屬 紫芝生軒轅峰下爲九莖爲三秀高山莫莫紫芝曄曄軒后茹之神僊可接今峰下爲紫芝之源芝猶叢生

紅朮山中特產生紅朮源源在丹霞峰下白朮山源更

多神經曰必欲長生當服山精精木也

人淺生山壑下溼處春生苗夏花細小如粟莖如絲紫
白色秋後成實陸羽云人淺上者生上黨中者生百
濟新羅下者生高麗本草則謂生新羅者如人形長
尺餘生邯鄲者手足面目如人生上黨者人形皆具
能作兒啼說益後益誕

黃連生山壑中苗叢生一莖三葉高尺許凌冬不彫花
黃色味苦寒土人採根連車載買爲治火主藥

地黃二月生葉布地易出似車前草上有皺文而不光

花絕肖油麻花但彼白色此紅紫色一名地髓又名
芡沈下爲良故字從下產同州者取補益生黃山者
利解熱主治各有攸宜

黃精得坤土之粹精故名黃精曰黃芝曰戊巳芝皆此
義也曰餘糧曰救窮以功名也曰鹿竹曰菟竹因葉
似竹不尖而鹿兔食之也曰垂珠以子形也曰野生
薑以根橫行似嫩薑也春苗時采爲茹謂之畢菜味
甘美凡根八月收煮三晝夜色黑如漆久服僊

紫草可染紫按列僊傳商客能致紫草賣與染家本草

說云其利勝藍夫紫間色奪朱者也齊威公好服紫
又秦相國丞相皆金印紫綬春秋戰國由來重之矣
蒟蒻一名鬼芋莖斑花紫葉似天南星但南星肌細膩
莖無斑花黃爲異耳山僧采根之大者瀹以灰汁劇
澄爲液煉液凝膏修治畧同菽乳亦西蜀蒟醬之亞
赤骨草本莖綠子紅其子食之甘芳

萬年松草本生天都蓮花諸峰懸崖上長三四寸經冬
不彫連根拔收歷數年取置水盃內蒼翠如新復收
歷數十年亦復如是

不蘭生倭人石上有莖無葉卽石藍花也按拾遺記石
藍之花輕而堅勁千年一開隨風霏霏蓋近魂續命
之葩焉蘭蕙山之陰遍生之

玉簪一莖數十花本小末大未開如白玉蕊頭開時微
綻四出中吐黃蕊頗香不結子綠葉如掌托之極清
幽之致

萬壽芙蓉淡黃疊瓣內苑所植種也一僧從燕京來攜
子布種遂成山產

秋牡丹徧生原谷間花同籬菊紫瓣黃心葉似牡丹幹

異於木芍藥秋乃花

垂絲鳳仙花紫色與鳳仙無異花葉層累而上次第展
一葉舒一花一名葉上海棠由夏初開至秋溪山中
花惟此耐久

雲霧草或生松杉或生峭壁狀如亂絲不粘寸土惟飽
雲霧性寒味辣能愈疫癘

龍鬚草生龍鬚源豎壁僊峰下龍鬚卽龍芻刈草包束
曰芻謂可以刈束養馬也圖經曰黃帝上昇羣臣扳
龍髯墮地所化崔豹古今注亦然然則江東人以草

絳蓆名西王母蓆豈王母騎虎而墮其鬚乎皆屬傳會無疑

珊瑚鞭瀾壑中草也叢生葉淡綠初秋拔莖長二三尺
徧莖密布小花花色殷似珊瑚更紅俗名金線海棠
又名狀元鞭皆不雅

藥則乾葛茯苓車前子天花粉威靈仙五加皮柴胡
南星半夏香附子黃藥山藥桔梗肉桂五味子茺蔚
等山中常產皆未詳載

穀屬 青豆山種獨大三倍常豆色青翠若梅實邑人

有黃山青之號

水角豆性同蘊藻好生水面破瀾擲實實布茨中投湯脆滑不任武火世味所希卽山中亦不多得

菜屬 僊韭丞相源有韭菜澗長三尺者爲僊韭按廟風四之日獻羔祭韭夏小正曰正月圃有韭故云春初早韭而祭祀之牲號亦以韭曰豐本說文云一種而久者謂之韭象形在一之上地也圃人蒔之一歲三四翦其根不傷性最溫利鬲胃冬取曰韭芽尤美若僊韭之功用必大異

草萱本作誼誼忘也曰忘憂曰宜男曰鹿葱一物而
三名者皆萱也鄭樵通志作合歡誤黃山惟丞相源
師子林尤盛嫩苗可烹食花黃紅紫三色六出四垂
朝開暮焉取跼暴之用薦於俎

苦蕒俗名苦菜因味苦也又名敗醬因根紫且作陳豆
醬氣也葉似水蓴及薇銜色綠而淺背淡苗初苗寸
許山僧摘而製之名松蘿苦蕒夏秋間則貴少賤老
汰莖畱苗功用雖精較之春製者遠遜矣

同芸卽防風又名屏風名商根防者禦也其功療風最

要故名屏風者防風隱語也曰芸曰苘曰苘花如苘香氣如芸蒿苘蘭也二月採嫩芽水煮調以醃醃可食若荊芥薄荷五加諸苗鹽浸法製皆可爲蔬

百合一名離字書離音煩莖高三四尺葉似竹葉而短花兩種白者香品貴黃者似萱而斑紅無香品不貴根以衆瓣合成狀似蓮花味似山薑可熟食顧野王玉篇亦云離百合蒜也花葉根皆四向故又名強瞿凡物旁生謂之瞿見韓詩外傳強瞿今呼爲強仇仇瞿聲訛或云花紅者名龍爪味微苦類百合實非百

合一類

蕨山中在在生之詩及爾雅說文皆云蕨鼈也初生如
大雀拳指又如鼈足色紫而肥及時采取燂去涎滑
日乾可爲蔬或斷其根搗洗澄粉凶年可以御飢戴
侗云謂之烏昧又謂之烏梗

山諸形味俱類薯蕷薯蕷根細如指薯蕷大者相去倍
莖鄭越謂之諸秦楚謂之玉延國產者但可充饌山
中經干祀者赤皮多鬚重數十斤采服輕身不饑山
民不業耕者取以充糗多獲壽考按杜蘭香傳食山

諸可避霧露尤山居者所宜

萊菔爾雅云突蘆菔孫炎注紫花菘也菘菜名因其耐久如松柏也萊菔根名有大小二種大者軒爲絲水煮日乾小者亦日乾蒸之浮浮如棗赭赤色佐以巨勝子白蘇子二味質軟味甘

香菌生古松老杉上或生松陰采無時芳香韻味俱絕采之芼之至腴并治洩瀉不禁之疾然與杜葷相亂當慎杜葷者土菌也

石耳蓋芝菌類也生於崖石望若流煙惟黃山甲於天

台四明及洛代諸山山民繩渡鈎引身懸千仞以收
之昔有躡危峰摘石耳者覺奇寒陡逼口齒自闕格
格然諦視見神龍方脰麟角儼然爪尾蟠抱領珠大
如拳光彩不可逼視民大駭墜而下意口腹之珍皆
小民捐軀命冒奇險所致仁者見之欲投匕起矣木
耳山產更多

珍珠菜藤本暮春發芽每芽端綴一二蕊圓白如珠葉
脆綠如茶連蕊葉脂之香甜鮮滑他蔬讓美

木屬 援龍松散花塢中突兀一峰下臨無際一松破

石以孕身賈勇怒撐上透峰頂卽偃其蓋衡枝長二三丈凌空飛舞若龍爪搏拏松中第一奇觀見者駭矚尊爲帝松

臥龍松文殊院道中一松橫偃石壁長丈有奇作龍臥狀似臥矣首忽上昂角嶄聳張如臥將起是松德在潛見之間恐千百年後風雨大作終當破壁飛去

接引松在始信峰脰峰將至巔忽分其分處如龍淵界劃夾壁削立下視萬仞支以柴梁樸隘顛危人不敢渡松生彼岸枝橫此澗援渡者手藉以登峰松實有

功於遊人

棋枰松在平天硯極奇古高二尺圍如之枝踰丈頂正
平若砥鬚鬣井井若罽布鬱翠蒼古以矚見奇指此
爲蒲團松者誤

蒲團松枝幹盤屈形規鬣密在小心坡絕壁

困龍松亦在小心坡絕壁

迎送松亦在小心坡根緣石罅無土枝葉交接與遊人
肅對有若揖讓者然

倒挂松在蓮花峰道中蒼虬逆懸根怒生如髮上指一

絲貫壁竇歷億萬年而蔥翠之色自若

破石松在一線天有危石高二丈圍丈餘松根植石底
枝鋪石巔蓋蔭畝許遊者見蓋不見幹謂松以石爲
幹不知幹固藏石腹也松幹壯茁石不任受裂縫一
綫盤抱如故若母懷子噫奇矣崇禎戊寅雷震石崩
松爲雷火燒死按博物志松本石氣石裂受沙卽產
松松三千年更化爲石黃山無山不石無石不松或
以多石故歎此松之奇則又非意想所可及

僊橋柏在僊橋石根去杪不逾尺言葉密如茵樹杪可

經行可跌坐可藉眠

遊龍柏黃山以松著柏無奇者大悲頂石壁一柏若龍
焉體曲爪張曲者復伸似升張者欲攫似怒奇至無
理怪到想窮黃山松石皆然不意又得柏也

梯俗作杉可木黃山老而巨者不讓蜀材陽材飽茹日
華膏潤不枯錯文成繡原氏之子所謂狸首之班女
手之卷者若爲此木咏矣

桤類杉材不逮杉杉堅而綿桤堅而脆其材可爲器可
構可舟山林藪澤之利新安惟桤與桤最贍世爲豪

強所吞并瘠土之民日貧良可慨也人奈何使其擅
民利爲已悉也

黃楊木山中多產高峰松柏之外所生者惟此一種其
木堅膩其葉攢簇上聳似初生槐芽而青厚不花不
實不彫其性難長遇閏則退非退也但閏年不長耳
香櫟與香柏皆宜製器光潔芳澤足充雅玩

放光木深崖邃壑中樵斧不到木枯久復經雨露浸潤
光彩自發取置暗室明亮如晝

古藤古質若鍊贅若癭曲若龍蛇根柯若輪轉而輻引

可几可杖可入假山此無用之用不才之才

紫檀樹蓮蕊峰僻塢峭崖間有洞循洞術紫檀樹生焉
香翠覆地按紫檀惟產崑崙盤盤國極香與紫榆異
今黃山有之足徵山產之異

雲霧茶山僧就石隙微土間養之微香冷韻遠勝匡廬
藤屬 藤子子含莢中通明如水晶熟時剖食甘同蕉
露不剖自啟者不可食蛇嗜其子恐染厥毒也

果馮 榧黃山多榧木其葉似杉又似柏微軟實小而
香按本草有彼子爾雅云彼當作被枝子卽麓榧其

實恢而中空圓而不銳陶弘景不識椈子蘇恭辨爲
一物但分精麤耳山產是椈非椈不必辨

木瓜爾雅曰椈花淡紅色似鐵梗海棠實如小瓜皮薄
色黃香味遠過於花觀衛風瓊琤匪報之詩木瓜爲
古尚也久矣枝可作杖利筋膝根葉煮湯淋足脛可
以已蹙

榛木叢生爾雅女贅用榛告虔也取臻至之義關中鄜
坊爲多故木右从秦黃山亦多有之出後海其葉如
櫻桃文皺齒細結房函子子如小栗其壳厚而堅其

仁國色白其上微銳生青色熟褐色其條溼重難然
樵然日寧自空來莫打榛柴

桃僊僊老而不死猶挾艷姿酒浸花飲之除百病好顏
色其實中秋始熟採食甘香異常桃

梅浮丘溪之梅成林成藪桃花源之梅疑圖畫疑園林
梅皆生石罅中幹必古枝必屈花必大至問爲何代
所生則茫無可考軒轅以下宋元之間一任諸山僧
樵客之口而已矣

山嬰桃一名崖蜜花大於園本色復嬌妍實累累綴危

崖間四月可採食杜詩崖蜜松花熟蘇詩待得微甘
回齒頰已輸崖蜜十分甜皆指此按爾雅楔音戛荆
桃也孫炎注卽今櫻桃最大而甘者謂之崖蜜謂櫻
桃矣然櫻桃乃櫻非桃也嬰桃生山中故曰崖蜜又
何疑焉

花屬 木蓮花在華嚴堂前其本踰拱其高二丈其花
蓮其瓣九其色白其縷紫其香玉蘭其葉枇杷經霜
不彫其實朱實含苞內苞開實出若珊瑚新琢其根
檀震旦止慈光一本盛夏始花

石蓮其花畧同木蓮但彼九出此五出耳花時瀾漫山谷盈目皆香雪

玉蘭黃山有玉蘭谷花時過此如行雪山中

山海棠葉淡綠嚴冬不萎其花一苞數蕊嬌過海棠按海棠海外種也本棠屬不實春始花凡數種有鐵梗有木瓜有毛葉有垂絲並嬌紅絕艷西府微淡更艷也惟昌州與大足縣海棠有香餘無香山海棠之奇不以花以葉

海桐生山谷中一名刺桐一名賴桐體有巨刺其皮若

梓白皮青葉高三四尺卽有花附幹而生成朵而繁
紅色如火爲夏秋榮觀

山桃花色如桃視桃更天垂絲裊裊弱不勝持

水桂葉比桂差小花如梅四出香與蓮相似瓣白心黃
麥秋時開

山礬一名芸香葉似薔薇微有齒下。辟瘴魚又可焚灰
染紫爲黥不藉礬而成三月開花花繁而複獨黃山
僊燈洞道中開於九月花稍大香稍淡爲異耳按山
礬稱栢花者李延壽述齊書陳易名山礬者黃庭堅

也以芸香卽七里香者沈括也辨七里香爲玉蕊花
者曾端伯也訛柘爲鄭又訛鄭爲瑒或爲春桂荆楚
之俗江南之人也老子曰方物芸芸盛多也稱爲
芸香者近是

纓絡蠟梅幹葉類繡毬花似蜜脾一莖十數葩花時莖
垂如弱柳垂垂然作纓絡狀

竹屬 蕩俗名矛竹生桃花源黃山竹類甚多此地竹
最巨故稱蕩小曰篠大曰蕩蕩大竹也

實竹竹不中空堅實犀銳可以佐武備利兵戎

瓦竹山中一種竹葉長廣似箬葉山僧厚紉覆屋用以
代瓦蕭然精致遂覺陶冶無功

石屬 朱砂山中恒產光明瑩散者爲佳

香砂生天都峰頂小池夜必放光蓮華月池中亦有之
其味清香彷彿蓮桂然不可習見覓之有舉手卽得
者有偏求不得者一視人緣有無蓋神砂也

引針石出引針峰下石能引針使指南然常偏東不定
南也按鐵受太陽之氣始生之初石產焉百五十年
而成慈石又二百年而成鐵易曰同聲相應同氣相

於石可悟氣化感應之一端

浣石出蓮花洞剔而蒸之有聲有光如金在鎔俄見
五色置諸水其形礬其白雪一名綠光石又名五色
石

水晶石大如卵色如水晶向日照之有光五色審視中
若有空處凌侍御駟會於山澗中拾取一枚

紫石英其色淡紫其質瑩澈隨大小皆五稜兩頭如箭
鏃諸壑中間有人不知採

石乳疊障峰有石乳巖石之津氣鍾聚成乳乳滴若雪

嚴冬不枯酌之甘和俗稱爲滴水巖以水視乳訛甚矣

蟲魚屬 石蜜山蜂廬石間釀花爲蜜味勝桶蜂久服厚脾延年蓋物有以野爲貴者

石蠅俗稱石鴨狀異常搥味遠勝之宿溪澗洞石中山民暮夜秉火照水涯取之民亦間罹蛇虎之患饑寒之害甚蛇虎也哀哉蠅至秋不可食蓋地臘前蛇食石鴨至秋石鴨食蛇司飪者辨之道家以端午爲地臘

鱖魚生諸潭中似鯢四足長尾無鱗聲如孩兒又名孩
兒魚能升木大旱則含水上樹注葉上覆身葉下張
口伺鳥鳥來飲水多爲所噬其膏然燈久而不耗秦
始皇驪山冢中所用人魚膏是也又用以和硝矢致
遠無聲荊州臨沮間多有之

巨魚山中好事者疏池與澗水通畜魚多歷年所有長
至七八尺者鱗鬣斑駁砂赤黛青居然尊彝之色

石斑魚頭小身圓長數寸大者尺白鱗黑斑千百爲羣
浮遊近山溪澗中間人聲則劃然而伏居民畧釣修

治成腊鬻之雖久不餒南方異物志云魚有雌無雄
春月與蛇醫交牝其胎毒人不可食

錦鱗魚生道遙溪亂石間其鱗文采錯錯聚族潏潏碧
波中比之朱鬣金鱗更爲艷秀

附山產補注

物理小識云鵲有長木石巢中養魚或曰取鵲繞樹
助犀術家取之又龍馬步轉石覓蛇今按鵲巢無鵲
或為他鵲取之耳蔣八公曰其巢高下可踰屋
鵲能以手相接繞屋而下有長尾其巢道其巢與共
云鵲即狄也狄即猶也狄音又其音同其巢則懸於樹而以尾塞鼻蓋一類而分有巢者上巢見
南豐猿小如拳懸在良箬若見之其巢見
石猿如拳舊言猿小猿大不可執也猿有類前二足
長無無鬚前二足與後二足齊其巢地所紀猿狀詳
之其詳其色有青黃赤白黑其巢地所紀猿狀詳
氣而然然亦有雜色者其巢地所紀猿狀詳
多白猿

山鹿陽澤鹿陰惟牡有角鹿黃而青其色青黑肉腥
下有二竅為夜目其角岐少澤其角平女見麋而于
四目也鹿喜食草其草九種草又喜食氣好浴淨水故
亦食草居則環角外向臥則口朝尾間以通督脈其
曰鹿戴玉而角班謂其六十年懷瑞於角下也故淡

寮稱班龍焉沈括言骨易長無如鹿角則耳不如角力矣其云陽角補陰陰角補陽而東坡又言鹿補陽麋補陰當何從乎

按說文兔獸名象踞後其尾形陸佃云明月之精視月而生故曰明視咀齧者九竅而胎生獨兔八竅五月而吐子物類志曰兔營穴必背五指通以馬鬣有謂汗者塞口須臾自出可飼而取之按山業談曰中秋無月則兔不孕蚌不胎鰆妻不實世兔皆雌惟月兔雄故望月而孕後山謂月中真有兔乎陰類相感乃其理耳觀木蘭詩有雙兔兔二語可瞭然矣兔吐于籠月下則失主物簿云兔環轉踞陰形其意異乎宋人夫曰兔有蓄者北杜合十人日即有圖按此則論齋所雄毫而孕之說益信矣

芝有五色服食成仙者蓋言耳木最喜芝類即松脂入地所化其上生小木若蓮花夜有光持之消燒之不焦佩之辟兵蔡邕云取和蘭芝動二三萬小節黃商一鋪二十五里通野而謂王元美言芝類中各有進五色芝以萬數也多紫者上好芝也

頭血或碎其代加諸色藥包製乾冬筍冬至日埋
之或灌藥入老樹竅皆引春雷而即生五色芝高山
生木昌蘭獨枝白瑩乃白芝之聖藥居五色芝故為瑞
記勝之曰徐英而壽萬地藥土可種木馬為佳城
百種之猶芋薯也忌肥妨蠶最宜金汁馬糞京口仲
冬栽木忌青色物相聚及澆灌又忌用蠟真則虛心
而黑山中紅木主治之功必大本草諸未及之
以優花子名急性能驅物苗可毛葉不生蟲蠹根花
同琴能精骨肉變綠色最易種也又有金鳳花乃金
雀花灌生細葉黃花者也俗混呼之
甚連勿藥能積草產則生蟲蟲退色此與松心皆荒也
今藥慶金波專以龍鬚草製為市謝後山海經貢
進之山其中多龍鬚草注龍鬚也似莞而細生山石穴
中莖倒垂可為席今吾鄉不知取此計別何拙與
卑雅曰柏性指西翁磁之指南也葉細葉小而岐葉
拍即倒柏嬰玲諸柏可寄枝刺者楷也柏利於造舟
蔽本為合香用宜以于種

溫樹葉細刺樹葉麤闊有木樹葉似垂柏其林刺之
可卷作甌盤等器名曰捲木甚輕一種徑木似漆而
硬宜莖種時遇雨斬建插之墜山大林實樹即臨於
也余登廬山曾作大林寺西域寶財歌

櫻桃淡紅紫者早熟淺紅遲熟曰櫻桃月令仲夏含
桃薦寢廟則早熟也故詩謂有景翬下垂春前插之
于漿時得蜚氣則易熟潤州櫻桃核而不仁其日晚
櫻桃則郁李也信陽州有半紅白者曰瑪瑙櫻桃
木筆即辛夷玉蘭即木蘭五雜俎曰木蘭去皮不死
大理府木蓮花樹高大花如蓮有青黃紅白四種白
香山言忠州有木蓮花王元美謂即玉蘭按玉蘭春
初開木蓮四月花竟已有別且芳說未言花之香之
狀覺黃山木蓮花亦微有不同矣

官桂四月花無實樹高數丈樹皮交錯合曰桂自蜀
嶺為林葉如枇杷葉餅遠寒裏白毛者為肉桂臨巖
如竹其葉似柿無錐齒者為菌桂其秋花者木犀也
以木肉亦有綴文凌冬香辣故皆以桂名木犀有結
實者四季開者無實而冬季花尤繁王麟謂言有子

者桂無于者木樨非也木樨結子如豆今呼月桂木
樨呼巖桂不宜灌漑其花時遙屈其餘壓土中能自生
畏亦可以冬青接寧都赤面石桂葉乃大五六寸四
圍銀齒如刺張邦基曰南南呼九里香江東曰巖桂
浙人曰木樨引王以寧九里香詩爲證郭青螺口西
昌山桂二月開白花叢開其香似月季花樹近於木
樨江北謂之九里香其葉似木樨新安謂之春桂色
有紅白二種紅者肥而輪焉花甚香而長俗人家植
之九死一活郭按此九里香非一種矣
范東齋筆錄蜀有白魚薄綠木葉如棠見鮑鮑同一
作鮑黃山四足魚鮑即鮑也舊志年劉弄按鮑魚似
鮑鮑鮑前似鮑鮑後似鮑鮑如小兒啼一日雄鮑雌
鮑異物志鮑鮑或死沙上皆無目俗言目化爲明月
亦正義鮑出入穴爲鮑此亦至鉅之物矣周益公記
宜興洞有四足鮑張舜民記黃州四足鮑全義之記
西南盤龍山乳洞有金沙盤龍魚皆四足脩尾丹腹
狀若守宮泰和鄉有四足如蟬有時上岸見人則入
水不傷人鼈無裙而尾大亦謂之鮑閩中高山源有

黑魚如指大其鱗即皮因足可調形治小兒疳疾其類不一又考鱖魚似鱸無甲口在腹下黃山四足魚

余未目擊載之以俟知者杜鵑花廣記一名蜀鵑多生雲外驛上而玉壺庵一株尤奇

青鸞花惟青鸞翠下育之葉生約二三枚長五六寸葉如玉簪花莖上小葉布絲其莖一絲一花色青形如鸞隨風欲舞秋開有異香亦花中神靈之精也可入盆景供耳目之玩

翠雲草延蔓石上蒼翠如雲以瓦器置其旁即生根器內移植必萎與潤州焦山寺同以上二種山產偶道今補此

人物志上

地以人重於古志之名賢自漢陳業至撰志時得之黃
海新志二書及父老山僧所談說凡有功于山與夫棲
隱來遊之士有光巖壑者共八十餘人具以所聞者稍
列其行事紀人物第四

漢陳業上虞人漢末爲會稽太守值世之季嘆曰世塞
山通自古所誌虞夏有忽徂之時煙霞無板蕩之日
吾其隱乎乃遁跡黥山終身不出

唐李白字太白隴西人翰林供奉天寶間訪道江漢會

故人韋仲堪爲青陽令僑寓九子山因訪許宣平至
新安遊黃山黃山胡暉有雙白鵲蓄久馴狎蓋禽之
秀而文者聞白愛之攜鵲以贈惟索一詩詩成遂籠
鵲歸

溫處士號伯雪徧探五嶽歸隱黃山白鷺嶺李白有送
溫處士歸黃山詩

賈島字浪僊范陽人苦吟僧名無本初祝髮瀛州法善
寺一日雲蓋寺後爲文舉進士然舉輒不第文宗時
得除長江簿卒年五十六嘗慕黃山奇秀不遠數千

里凡兩至山中

薛邑大曆中爲新安刺史時民多癘疫邑於湯泉築室
俾疾者入浴輒瘳自是靈泉始有專蓄矣

李敬方字仲虔大中五年爲新安刺史因風疾浴湯池
感白龍疾瘥乃作龍堂於池西陵勒銘石上

杜荀崔字彥之石埭人田頔守宣城時延致幕下聞黃
山有湯泉之勝獨攜瓶鉢探尋有咏湯泉詩官至翰
林學士知制誥

宋魯宗道字貫之亳州譙人真宗朝爲右正言剛正嫉

惡遇事敢言目爲魚頭參政因其姓且言骨鯁也景
德中判徽州軍事善政逮下以公事至山慨然曰奇
哉此山凝嵐積靄邈然雲際宜乎養靈孕粹雄鎮一
方也遂信宿祥符多所題咏卒諡簡肅見宋史

李惇景祐間爲新安通守撰黃山圖經題咏序應僧行
明請也其畧云漱石枕流慨未遑於永託馳神運思
竊自樂於冥搜黃山見於序文始此

孫覺字莘老高郵人宰太平時以禮教爲先邑中人士
沐其德化卜勝應川之上築聚樂亭對黃山三千一

肇公葛巾野服引衆登臨士民環簇不異家人父子
仁宗擇名士編校昭文書籍公首與選

鴈蕩周君欵尉逸其名元符三年因按驗至山徧遊諸
勝於祥符寺得圖經及名賢題詠歎曰有是山而不
聞於世豈非文字不傳之過歟予蒞此土若不更新
之亦與有罪焉遂重鏤板行世

凌唐佐字公弼休寧人元符進士知夏津縣往決河北
疑獄得其情時夏津亢旱及唐佐歸兩隨至人號爲
縣令雨嘗遊祥符浴湯泉尋升龍巖溪之勝建炎初

知應天府南京陷劉豫因使爲守佐密疏其虛實於
朝事泄被捕見豫責以大義遂遇害事聞贈徽猷閣
待制

胡彥國紹興甲戌自行在所被召命守新安公治郡之
暇念黃山圖經燬於陸寇得舊本於士人楚贊家遂
命鐫板公使庫仍按山勝繪圖以示好事無論胡公
卽楚贊亦不朽矣山何負於人哉

羅願字端良號存齋歙人乾道二年登第暮年領悟爲
文援筆立就長則博綜精練泰漢後不妄下一語所

著淳熙新安志并湯泉靈驗記高文典麗非近代志
記家可及別有文集七卷爾雅翼三十二卷行世知
鄂州有治績朱紫陽常稱重之

焦源字東之中山進士世居黃山之麓公慨黃山闕經
自元豐至嘉泰凡兩甲子幾於滅沒乃於嘉定戊辰
搜采名賢題詠圖摹舊蹟綴成一書命工刻印以廣
其傳

程元鳳字申甫歙槐塘人父放有隱德紹定二年登第
累官少傅右丞相兼樞密使封吉國公以觀文殿大

學士致仕卒贈少師諡文清公天資穎異弱冠畢通
六經奮跡布韋無尺寸援受理宗不世之知任言責
歷禁途至登庸鼎揆三十餘年眷遇委任彌久而彌
篤雖前沮於丁大全後阨於賈似道翩然如冥鴻之
舉報國之忠未克殫竭然於見幾之智亦可謂無遺
矣嘗同從弟元岳兩遊黃山元岳字遠甫號山窓寶
祐元年進士工部侍郎封歙縣男以風節著聞於時
焦炳炎字濟甫太平縣焦村人淳祐間廷對第一官
史論奏切中時病第煥炎紹定二年亦擢武進

崇邊多顯效仕至鎮江太守炳炎黃山賦遠不逮詩
因存其詩而逸其文

吳龍翰字式賢號古梅歙人咸淳間全鮑魯齋宋足庵
遊黃山月夜登蓮花峰有記今吳詩僅傳後二句藝
林惜之

吳華祖字子容號庸窩歙人與吳龍翰同時著書樂道
續集黃山題咏洪舜民爲繪圖洪武時吳孫滙始壽
梨棗序係唐仲實所作

陳僕宋季進士隱居翠微之麓讀書懷古終身不仕有

希夷先生之風

元汪澤民字叔志婺源浮溪人遷宣城宋名臣汪公藻
七世孫延祐五年進士筮仕多歷外官立剖疑獄人
服其神至正三年內召除國子司業與修宋遼金三
史遷集賢學士未兩月上書告老以禮部尚書致仕
旣歸徜徉丘壑於黃山窮畧更久乙未夏長鎗叛帥
鎖南班程述等犯宣州或勸公去公曰昔江萬里寓
鄱陽猶坐守以爲民望况宣民離合視吾去留吾何
忍去父母之邦乎參畫戰守之策城陷僞萬戶丁堅

通公降不屈遂遇害壽八十有三贈江蘇行省左丞
追封譙郡公諡文節

吳萬竹新安人至元中隱居僊源觀植竹萬竿因號萬
竹嘗衍易宛陵誇詡其勝歸山時汪文節賦詩送之
陳玉峰太平人通尚書春秋登第後僅一試爲令遂歸
隱黃山有詩集傳世卒年八十

陳祖仁字子山汴人至正二年舉進士第一歷官中書
參知政事初爲太常博士來游新安是時黃山猶在
榛莽自李青蓮夜宿吳古梅月遊後無復探奇者祖

仁遠在汴能發布襪青鞵之興允堪繼躅前賢矣
故人趙汭撰詩序贈之今采入志

鄭玉字子美歙貞白先生子齡子學徒築室居之名師
山因以爲號公髫髻卽異凡兒稍長穎敏不治細務
惟嗜讀書旣而載書入黃山祥符寺又還紫陽南山
觀攻苦殖學靡替寒暑再應進士舉不利卽棄去研
精聖人之道至順初侍貞白遊京師聞老諸公覽其
所爲古文辭將交章薦之先生奉親南歸不屑也至
正末徵爲翰林待詔不起戊戌歲以節死先生講學

之暇雅好登臨常竹冠野屨一童抱琴一童持綸相
羊山水間忽憶黃山舊遊借諸生尋訪故館浴丹砂
泉磨崖紀歲月而返鄉之人目寺前釣石曰鄭公釣
磯所著有周易大傳附注程朱易契春秋傳闕疑詩
文曰餘力稿

明趙汭字子常休寧人師事九江黃楚望潛受易象春
秋之學復以書謁臨川虞伯生集求吳草廬道學淵
源隱居著述築東山精舍以奉母學者稱東山先生
至正末輔元帥汪同起兵保鄉井授江南行樞密院

都事丙申內附避亂黃山復結茅星溪古岡山洪武
二年召修元史不願仕還未幾卒年五十有二東山
於春秋發明師說本經會傳度越漢宋諸儒當爲明
季儒林第一錢尚書云周藩驛標敘元遺民堅守臣
節與伯顏子中同傳皆國史所當考也

榜世榮洪武初爲太平令以嚴清稅糧爲務黃山峭壁
間石田不可耕者據實申豁上允其請免正額一千
五百八石至今民賴其惠

程孟宇文實號澹齋歙人少司徒午槐公佐五世祖高

隱讀書以著述自任天順六年訂定黃山圖經題咏
自附詩若干首并後序一首梓行

程信字彥實休寧人祖謫居河間公以衛籍登正統壬
戌進士授吏科給事中建議設兩京提學御史己巳
土木兵潰京師戒嚴命公守西城都督孫鏜失利公
躬督諸軍自城上以火鎗礮石鼓譟爲援也先引去
英廟還復上岡本十事且請景泰帝隆孝友之愛以
答天心聞者壯之累陞至南京參贊機務兵部尚書
成化丁亥四川貴州山都掌蠻據大壩山之陽叛服

不常命公與襄城伯李瑾統番漢兵討之將士依公
方畧連破二十餘寨斬獲甚多賊遁入溪洞令軍士
以土石窒其門以兵圍之月餘賊死洞中臭聞十餘
里凱旋進兼大理卿有白金綵幣襲衣之賜居南京
四載上疏乞休公掌任兵政征伐俱有成績謨謀獻
納實兼文武而性好山水尤愛黃山晚年常往遊山
中功成名遂身退惟公有焉卒贈太子少保諡襄毅
程敏政字克勤襄毅公信長子十歲以神童薦召試聖
節及瑞雪詩并經義各一篇援筆立就詔讀書翰林

院官給廩饌李南陽以女妻焉踰冠舉成化丙戌進
士一甲第二授編修歷官至詹事府少詹弘治元年
十月會雨災爲言者濫及上以敎政舊侍從官令致
仕沈周贈詩云人從今日去雨向幾時晴一時傳爲
絕唱久之用薦召還歷遷禮部右侍郎掌詹事府已
未主考會試給事中劾其濫題請與廷辨事得白乃
再請致仕詔許之而盡斥言者未幾卒贈尚書公脩
眉長髯風神清茂考證古今精詳博洽爲龍圖大昌
以後一人廿年夢想黃山假歸故里時乃與同志冒

兩來遊信宿祥符寺中公著篋墩文集九十餘卷撰輯宋紀受終考遺民錄新安文獻志皆卓然可觀

潘旦字希周號石泉婺源人弘治乙丑進士歷官左司馬器識寬弘操修清介有古大臣風晚居郡城學舍之傍清約不異寒素常同弟照踏雪入黃山雪深迷徑猶振衣登高把酒長嘯讀公遊記可以識其豪舉矣

程誥字白邑歙人少好遊終隱黃山其詩極有風調

汪鉉字宣之號誠齋婺源人弘治壬戌進士歷官吏部

尚書仰蒙恩遇甚厚褒以忠正嘉靖乙未致仕丙申卒謚榮和公嘗遊山中曾窮朱砂潭未盡而返

汪亓錫字天啓婺源人正德辛未進士在諫垣駁奏偏頭關敘功斥本兵王璉以下有過無功武廟觀征宸濠抗疏力諫嘉靖初陞太僕卿廷鞫李福達之獄觸奸忤旨廷杖罷歸十四載上念名復其官擢都御史巡撫江西入爲戶部左侍郎公有游山詩刻於湯池石壁

王畿字汝中號龍溪山陰人陽明王公之高弟也自陽

明特闢良知每提無善無惡心之體有善有惡意之動知善知惡是良知爲善去惡是格物四語以爲教龍谿則稍變其說謂心意知物只是一事皆無善無惡緒山謂若是是壞師門教法因各以所見質之陽明陽明日吾教原有此二種四無之說爲上根人四有之說爲中根人汝中此意正好保任不宜輕以示人德洪却須進此一格始爲互通自此海內相傳天泉證道之論王氏道脉始歸於一云公與錢刑部先後至新安講學會來山中今按全集有斗山會語書

休寧婺源會約諸篇而無黃山詩文真缺事也公中正德丙戌會魁壬辰始廷試爲進士仕終南京兵部武選司郎中

羅洪先字達夫號念庵吉水人嘉靖己丑殿試第一爲文超卓不羣淡契姚江之學由修撰遷春坊贊善建言論東宮事宜遂罷官歸遊黃山書二絕於祚符寺無量壽佛殿壁詩與草法皆幽放豪勁先是題壁偏監康熙丙午郡倅劉公芳洪倡議重建募工移其位置白堊完好點畫無損亦韻事也諡文恭

羅汝芳字惟德號近溪南城人嘉靖甲辰中式卽歸遍
訪高賢束心研究者十年其學講求萬物一體以發
明聖門求仁之義惟欲使此心暢達和平而推之一
世盎然在春溫太和中則鄙吝不生戶閭淵達以成
大公無我之象而引之共立共達之域陳白沙主靜
則收攝自身王陽明良知則急醒人迷與先生欲人
人皆聖人人人皆善蓋同條而其貫也癸丑始廷試出
部卽出守寧國能使一郡訟獄衰息簿書俱絕解郡
日黃童白叟捧酒獻茶學人乞書求言凡二十里間

行至三日乃得離去此可見人心之猶三代而儒效
之章明較著者矣黃山松谷翠微固宛屬公守郡特
歲或一至或再至約從褁糧不煩屬邑每至險絕處
必以長纆繫腰題名壁間曾架閣道上觀僊枋方舉
目識一僊字卽爲迅雷削去始知僊蹟隱閤不容人
窺乃下萬曆戊子八月晦先生微疾九月朔自梳洗
坐堂中命諸孫次第進酒各各微飲仍稱謝隨拱手
別諸生曰我行矣適遠來二生并諸生哭畱先生愉
色許曰我再盤桓一日至次日午卒門人稱明德夫

子

周怡字順之號都峰太平人嘉靖間進士歷官太常卿
謚恭節公在諫垣時嚴嵩當國抗疏論之廷杖繫獄
九年世宗大漸遺詔釋之還家惟嘯傲山水獨往終
南二年歸而出入翠微松谷間與郡守羅盱江侍御
崔筆山賦詩倡和又迎王龍溪主教天都書院邑中
至今知學皆其遺教

崔涯號筆山太平人嘉靖間進士授御史巡視河東
政及按八閩俱有異績奏請羅豫章李延平從祀

孔廟晚歲築室桐山賦詩自娛嘗同羅周二公遊黃
山酬唱有詩

汪道昆字伯玉號南明歙人嘉靖丁未進士歷官左司
馬先是備兵福寧值倭躡閩公與戚大將軍繼光運
籌掃蕩功冠一時奉旨巡閱薊遼詳奏事宜年未及
艾遂請終養歸隱猗中弟仲淹道貫仲嘉道會歎於
道暄皆有詩名公著太函集一百二十卷與空同弁
州滄溟三集並峙詞壇宇內稱四先生云列朝詩集
中有心譏彈先輩此吳及正錢銘久已起而攻擊之

矣

方弘靜字定之號采山歙嚴鎮人嘉靖庚戌進士歷官
南京戶部右侍郎贈尚書公年少名重與王公寅等
結社天都時爲嘉靖壬寅越萬曆庚戌同里潘之恒
復修前社推公爲耆舊典型公年九十有四以國老
兩主山盟非偶然也孫士亮字若繩宗禎辛未進士
兵科給事中曾捐金爲慈光大殿築室基殫力護持
尤爲繩武

王寅字亮卿號仲房歙人父賈淮北生寅於淮小字淮

孺少年倜儻自負具文武才以高才爲諸生祭酒輒
棄去不顧北走大梁問詩於李空同不遇聞少林僧
扁圓習兵杖最精則之少林授其術盡破其產辭家
遠遊南歷海隅北走沙漠周遊吳楚山川求異人與
得不死之藥然卒無驗而家益貧海上用兵客胡尚
書督府多所匡正督府不能盡用竟以是敗寅自恃
知兵鄰省賊起有司用其策扼賊於險賊果引去湖
兵追及之殲焉里人語曰生字仲房果不異子房也
中年習禪事參古峰禪師改號十嶽山人嘉靖壬寅

重九倡社天都峰下踐約者爲程自邑誥汝南應軫
陳達甫有守江廷瑩璫民璞珍余元復震啓汪玉粹
璦王子容尚德方際明大治子瞻寬定之弘靜鄭思
祈立撫于金銑文仲懋坊思道默合仲房爲十六子
乃効靈運鄴中七子顏延年五君詠作十六子詩

許國宇維楨號穎陽歛人嘗讀書祥符寺嘉靖辛酉鄉
試第一乙丑進士改庶吉士歷官少傅大學士兩主
萬曆癸未己丑會試得人最盛卒贈太傅諡文穆公
居政府九載開誠奉公不樹私黨養天下和平之福

後以儲議未定朝宁沸騰公乃疏請預建國本以康天下忤旨遂連上五疏以去就爭而前星之羽翼由是成矣天下咸謂新安之去與商山之出功相埒云謝政歸復遊山中歿後程生涓見之九華山若尸解神遊者鄉人多以爲僊去事載陶宮諭望齡祠記中吳傳芳字以述歙人嘉靖中倡修祥符寺及普祐院殿宇採石蹙路雅有好義之風獨於湯池鑿去石广砌亭覆之人至今有遺恨焉

沈懋學字君典號少林宣城人少任俠喜談兵法遇忠

孝人有急輒傾身赴之剛折節讀書萬曆丁丑殿試
第一是科梅眼張嗣修爲首輔江陵次子時江陵爲
朝廷倚重奪情起復公上書力勸終制不合移疾歸
高臥敬亭尋入山憩祥符寺訪汪司馬岱中盤桓累
月下錢塘自吳門返未幾卒

李邦和號稠源豐城人萬曆九年宰歙政孚化洽因清
丈至黃山知祥符寺地產爲豪強久佔稅貽僧供公
按圖經清保牒復田土若干畝歸寺仍取償估產之
費並捐俸修理之以守土而加意於名宦墓下等處

有公也

用藝衡字子藝錢塘人雋才不羈尤好山水爲新安博士每遊黃山淹留彌月時李令修復祥符寺實贊襄之并撰記勒石罷官歸常衣緋衣挾內人徧遊湖山命雙鬟進酒促膝談謔有若無人偶日暮不得巾車覓得一驢與內人同跨入城其風流高曠之致可槩見矣

程顥字天錫號雙橋歙人少負奇志歷遊湖海年甫艾歸隱天都餐霞洞自號餐霞子選黃山白嶽詩梓

行於世

逆應鰲宇中素欽人萬曆乙未進士太常寺少卿普門
開黃山矢愿爲外護官北祠部時勅賜慈光寺額併
金像龍藏與有力焉輦藏出京欽差馬中貴護送邑
人疑懼作書與邑士紳囑至果無侵擾金壇于北部
玉立撰疏書冊首先施助亦祠部勸導之功

馬進御馬監太監京師慈明庵乃慈聖皇太后供佛地
進總理庵務身自焚修先於恍惚中見普門之影故
一見尋信畱住庵中漸傳大內萬曆壬子奉懿旨欽

頒龍藏命進護送慈光寺進長齋持戒郡邑帖然癸丑元日全普門送青宮金像升大悲頂見佛示三塔之異與本監閻鸞等有請如孝長老住持黃山啟又同時有中官蔡欽具疏奏請四面佛送黃山俱載藝文志中惜進後信託爲善不終良可惜也

汪元功號蒼衡歙人萬曆乙未進士歷官江西糧道陞晉臬未至卒公登仕籍四十年後先半家居不以進退易其節黃山削磴巉磔難於登涉自黃土嶺傷天都右腋文殊院南麓三觀嶺登天梯及陟蓮花峰中

路逕輪資關治十餘里穿雲拾級濟勝有階公之惠也又屬程朗仲構庵峰隈命僧主之爲接待所好事而有功於黃山者顧必推汪公

謝陞字少連歙汪村人蚤棄諸生留心史學著季漢書斷自漢獻帝起直繼昭烈後帝尊爲三朝帝紀降魏吳二國爲世家別袁呂諸雄爲載記書成留都巨公名彥醖賀於秦淮河上命令院名姬侑觴一時文采風流照耀千古又取新舊兩唐書著定唐書藏稿於家未及殺青而卒萬曆間修歙志疆域中載黃山獨

詳因家近黃山名其鄉爲開黃里

潘之恒字景升歛巖鎮人少好學汪道昆舉白榆社之
恒以少雋樹幟其間由是知名入大學一再試不遇
棄去益專精古文詞縱遊海內名山大川晚而倦遊
家益落僑寓金陵而死太學才敏詞瞻鬚髯如戟其
口好結客能急人難以侑儻自喜當神廟時力佐安
公開山聲徹京國一時賢士大夫幽人韻士不期雲
集座客常滿彝鼎陳前綠竹列後正其囊澁突冷時
也蒐輯黃海立意爲黃帝外傳凡諸子素問諸書畧

尤乘猗連比武靈王諸事咸採無遺蓋山史之變體
者噫自軒轅迄今將歷七十三甲子山志竟無成書
是亦吾鄉同人之責也夫

吳伯與字福生號師每宣城人萬曆癸丑進士歷官江
西副使與生徒講學芙蓉峰寒暑不輟曰吾日在煙
嵐響瀑中不復知人間世也副使黃山詩記靜淡韶
遠卓然可傳

邵樸元字鎮之太平人少遊焦翰撰竝之門戊午登賢
書南光祿徐公石麒以賢良薦於朝不應召

子間出一赴江西督學蔡公懋德之聘主教白鹿洞晚歲隱曾家山親操耒耜蒔茶種菜其踪跡往往在杉山黃海之間

土之傑字子凡歙人性好山水有許椽五度風嘗與鮑正元潘之恒諸子賦詩桃花溪上盟曰有曠歲不遊天都者爲軒轅叛臣時稱諸子爲尚禽高侶潘子集黃海賴之傑爲商榷焉

汪汝鵬字圖南歙巖鎮人與其弟汝鸞汝鳳以理學著聞其先世有書屋在丞相源萬曆間寓安寄公結茆

源中謁汝鵬乞地將建擲鉢禪院汝鵬欣然畀之
方應嘉字延休歙人萬曆以前天都石室人跡所絕應
嘉訪異僧同登歸語其勝嗣是方夜方客等鼓勇相
繼峰徑始通後棄妻子爲僧楚中

王應辰字介石歙人少負高志聘而未娶登天都峰陟
險幾殞頓悟生死了義遂從寓安和尚受衣鉢禪棲
數載迎父養山中父歿遊匡廬峨眉後開叢林南嶽
爲洞潭禪宗焉

丁白宣字寧人結茅山中輒累年不出潘之恒

都大社自宣與弟虞采咸與盟焉嘗買雲壽庵山地
東至祥符寺界南至雲門峰麓後盡輸慈光寺以供
樵爨

丘禾吉字有穀號少鶴貴州人萬曆壬子舉人天啟間
爲祁門學博游黃山歛曰大丈夫得志當令天下諸
侯膝行而前功成身退把茅蓋頭老是山中足矣安
能寂寂守此冷甌耶去任甫三年果以軍功開府遼
左迄今傳爲盛事

唐暉號中祥歛槐塘人萬曆庚戌進士授武昌司理以

艱去補開封入爲吏部郎忤璫落籍崇禎登極召拜
璽卿晉太常壬申流寇由晉入秦豫延蔓及楚楚省
如邊境掄補江漢間監司皆以邊才舉廷議推太常
爲楚撫甫受事粵東寇方躪吉安將犯長沙中丞移
師援豫章驅寇南遯復用間平臨藍土寇及水盜高
大等癸酉之冬寇則盡渡河分東西部交通顯陵中
丞冒雨雪先馳入郢分兵阨險授武弁周元儒吳國
禎等萬畧設伏以待大破之斬其帥十間羅寇遁而
西圍荆門會參將楊正芳兵至再戰再捷圍遂解未

幾從光羅大舉分犯斬黃承德諸州郡當是時護陵
之兵已撤全楚搖動中丞乃用三司理披胃從戎急
調施州夷女官冉氏兵以一司理統之駐京山爲郢
聲援以一司理密據水陸咽喉伺賊半濟而擊得大
殲焉以一司理翼擊於上下水陸間使賊不得奪舟
渡河中丞則自駐漢上安輯商鎮功垂成以失糾舉
屬吏免官歸戊寅大司馬錄論前功天子追念復原
官予資白金已卯以積勞成疾卒於家中丞性慈廉
生平無怒容遇事果敢獨任爲孝廉時有鄰邑匪類

翫或近山鄉愚於峰源之間鑿石開窰伐松燎炭公
率諸同袍以黃山爲鍾陵龍脉所關具呈給示嚴禁
事遂寢開山以後凡言護持者無以加唐公也公生
平建樹大業識者已於此卜之矣

丁雲鵬字南羽休寧人少工繪事山水花鳥靡不精妙
尤善水陸聖相莊嚴端偉及猙獰怪異之狀唐吳道
子貫休不多讓也曾畫黃山總圖煙雲幻化墨濤滂
洑今藏曹子實可家門人吳左千延羽盡得其秘雲
鵬嘗謁紫柏憨山兩大師以本分激厲頗知向往慈

光寺創興力爲護法時聆普門開導晚年更棲心禪
觀焉

鄭重字重生號無著歙人善畫丁雲鵬推爲趙伯駒後
身千里之號遂播海內首佐普門開山歲甲寅普門
邀之北上繪法海圖進呈稱旨復命畫御書蓮經引
首賜錦賜宴東宮亦命畫簋資以金錢宮蠟將官之
以方外力辭還山晚歲潛心淨業忽感微疾有鵲環
噪遂合十端然而逝

黃正賓號黃石休寧人尚寶寺正卿以爭建儲拜杖直

聲震天下法海道場初創璽卿亦力佐之

岳元聲號石帆錢塘人歷官兵部尚書四面佛至杭憩
昭慶寺時值水患合城煽惑以佛爲水母女兒三日
無雨則泣視佛身潤氣云所泣淚也限期同碎大佛
公欲募夫以勢迫不及寓書撫軍卽日牌委半刺康
公撥夫四百人送至新安公之力也

吳養春字百昌歙溪南人春父輸金三十萬佐國欽賜
中翰五人養春其一也黃山多其世業矢愿遇高僧
以開山功德主爲已任適休寧劉懋賢侍普公過溪

南語次心契吳維寅復語之曰先生開山雷人普門
特修雷地以地界人彼此相成矣普門獲珠砂庵基
謂相似瀟山縣三祖寺形勝諸檀越因出值買山差
春亦捐貲助剎禪堂諸星慈光後遷宸龍亦養春
首事之功也養春歷丙寅之難父子三人相繼殉詔
獄崇禎御極還其原官諸竟抑皆昭雪焉

黃道周號石齋鎮海人天啓壬戌進士官至東閣大學
士爲文淹博幽奧氣節慷慨不愧古人辛未秋避山
遇雨憩慈光寺數日俟霽遍登諸峰守令知而物色

之卽取道望天目山去十五年後督師婺源被執赴
程陵途中猶作思黃山辭黃山詩

方一藻號五根欽人天啓壬戌進士歷官兵部尚書有
邊功蔭二子錦衣衛千戶一人百戶一人世襲丙寅
冬爲修建慈光大殿手書疏文捐俸爲倡并募邊關
諸大吏各施金錢一時同志協應事詳本寺緣起冊
中茲不載

程嘉燧字孟陽號偶居欽長翰山人僑居嘉定少學制
科不成去學擊劍又不成乃折節讀書不務博涉精

研簡練採掇精英刻意爲詩歌以唐人爲宗七律間
入隨州五七言古詩放而之眉山放翁其大較也性
好古書畫器物尤曉暢音律善畫山水兼攻寫生酒
闌歌罷典酣落紙尺蹠便面人購之不啻供壁晚年
尤淡老莊荀列楊嚴諸書鈎摹穿穴以爲能得其用
辛巳歸新安終老適惠藩送一齋律師赴雲谷遂聚
糧飯心座下法名海能長齋持戒一如老衲癸未年
卒

黃奐字玄龍一名允交歙石嶺人性幽靜好學工詩文

其尺牘尤爲玄雋李京山湯宣城鍾竟陵見其才品
咸器重之萬曆丙午仝王之傑潘之恆諸子訂盟天
都愛山水之奇每歲必畱連竟月云第僕另有事畧
周鑑字仲馭號鹿溪金壇人天啓甲子鄉試第一崇禎
戊辰成進士授南禮部主事疏請卹建文死節諸臣
復上二疏匡正抑邪淺觸時忌奉旨革職高臥茅山
教授門徒以發明聖學爲已任於是海內望益隆重
丁丑秋獨遊黃山瓢笠蕭然有司無由而聞卽山僧
亦莫辯也壬午起廢補原官與當國忤南渡時宵人

切齒東林忌者中以飛語賜死

項如皋字孟凱號幾石太平人嘗讀書祥符松谷間歷
衣道場又其授經處也崇禎丙子舉於鄉由庚辰科
用授刑部主事獻決多所平反黃道周以言事觸聖
怒幾置重典力爲婉轉幹旋得減死論戎方擬大用
因過勞成瘵尋卒

遜峯浙江人不知其姓名登蓮花峯絕頂有翛然遺世
意挂瓢峯广數載因號遜峯家人訪迎遂引遍覽奇
勝問曰視故廬孰優豈能復作牛衣對耶麾迎者去

莫知所之

余紹祉字子疇婺源人少聰敏能屬文屢試不售逃禪
參訪嘗謁天童和尚談會旨趣著有訪道日錄晚擬
住丞相源不果畱詩別雲谷主人語意落禪家窠臼
未善也惟黃山四律有警句可存

鮑正元字元則歙人性高邁絕俗不屑屑家人生產嗜
經史兼涉釋道二藏嘗築蓮花庵於桃花澗上與僧
印我及鄭重郝璧諸人結社參禪鼎革後落髮爲僧
法名真休以曩置黃山諸產悉歸慈光常住寓金陵

時爲母作拜梅庵吉祥寺中董太史其昌陳繼儒諸
名宿有詩紀事

余書升字掄仲歙嚴鎮人性癖山水結宇桃花源地僅
五畝而幽麗甲黟山閉門隱居客過不見間有見者
唯啜茗默對而已吳門朱白民驚到山時大雪初霽
亟欲登峰書升爲覓衲子山樵數十輩破雪掃途以
畢其願又建樓石筍在奇麗與狎浪埒但此雄勝彼
曲勝耳兩地往返日暉甫落猶可至

沈壽民字眉生宣城人文章道誼爲詞壇領袖數十年

崇禎間中丞張國維以賢良薦於朝應聘至都連疏
陳時弊不用退耕巖野遂號耕巖後弘光立清流之
禍將起公避地金華山中守令聞其賢遣廬饌粟亟
避之冒雪攜家棲隱翠微之麓構屋數椽顏爲耕巖
書院與生徒講學其中乙卯五月辛酉疾革門人吳
肅公入診視問疾痛曰無之間胸中何似曰與常時
不異也請遺言曰無可語已而呼諸子取紙筆授肅
公命書以此心還天地以此身還父母以此學還孔
孟如斯而已三語遂卒學人私謚爲貞文先生

吳孔嘉號天石歛溪南人天啟乙丑探花及第授編修
爲諸生時因避家難六年居祥符寺不語書死字壁
上帳中皆滿通籍後卽復父讐罷官歸閉戶曲水園
中數十年不出常爲寺置田若干畝又念慈光伊蒲
弗給倡募置田百餘畝凡擲鉢諸院皆護持不遺餘
力若編修可謂有功於茲山者矣

徐弘祖字霞客江陰梧廬里人生有奇趣好遊凡宇內
諸名山及外國山川無不周覽常窮河沙上崑崙著
溯江紀源謂河自崑崙之北江自崑崙之南其源同

出禹貢稱岷山導江乃汎濫中國之始非發源也其
遊行孤身獨往誓不挈侶不治裝不裹糧能忍數日
餓能遇食卽飽能一日徒步數百里或千里一僧欲
隨禮雞足山道場拒之不得中途遇盜死負其骨萬
里塋於雞足山所著有遠遊日記惜未傳世人問遊
歷四海山川何處最奇答曰薄海內外無如嶺之黃
山登黃山天下無山觀止矣晚將歸老山中會病不
果崇禎己卯年卒壽五十六錢宗伯謙益爲作傳比
之王玄仲云

唐武時以佛嘗有遠志命金室湖公領徒三十餘人
往百城求之十五年得莊嚴寶王文殊等經還將歸
金室靈鷲於建昌山三石洞皆有碑自述云行深
自殊必力赤巴山番人呼黃河爲於處龍牛河爲必
力處赤巴者分界也其山西南所出之水則流入羅
牛河東北之水是爲河源予百還宿山中嘗飲其水
番人戲相謂曰漢人今飲漢水矣其源東抵崑崙可
七八百里今所涉遠尚三百里下與崑崙之水合
從中國相傳以爲源自崑崙非也崑崙各谷殊異其
山最高大四時常雪有積雪之香書其境內祭祀
之山有九此其一也余酒醒自所說與實客所說不
同故附見之

羅逸字遠遊歙人閒情高節是賞於鍾退谷性與潘之
恒適白下爲李尚書維禎重客家貧歲盡瓶無宿眷
道拾遺金守其人還之飲水度歲清有餘娛癖嗜點

山與潘之恒余嘗升王之傑隨正元號山中耐久朋
曾偕之傑宿鍊丹臺夜分啓窓見山光如畫諸峰成
碧天樂隱奏若笙吹聲又宿喝石居與信照微夜話
聞山谷震動窺牖見有獸如馬而角目光如電雨足
着地有若火色殊屬罕觀善屬文著有黃草草年大
老乃卒

國朝曹應陽字僧白歙縣鎮人世修白業任俠好施能
詩體格凡數變卓然成一家言買山白龍潭上初鑿
廣築精舍值法海大開叢林其地巖巖常作與方丈

歲歲必來山中累月忘返方夜宇眉子具勝情嘗駐
天都之巔有小記

譚學份字古野太平人性明穎不如輩喜與緇侶遊築
半偈山房於獅子峰下讀書習靜人希見其面所著
詩文幽異簡峭

程從仲字申之歙人太學生學家居嶺中四十餘年書
籍外惟寶顏魯公真蹟一卷餘非所嗜也嘗攜內子
登蓮花峰絕頂子文學名侍夫妻子母共入雲嵐
忽中不異拔宅登僊真人間至樂之事

程弘志字聖木號專愚子太學生歎荊川人不樂仕進
築室荊水上顏曰荇庭嘯咏其中家中落猶破產積
書隔歲必一至黃山欲纂輯山志徵四方詩文凡以
詩文贊者咸欵洽止宿積廿餘年無倦容成山志五
十卷付梓未竣會病因屬內戚汪晉穀積成焉晉穀
邑庠生

汪濟淳字公龐別號脉望公歛潛溪人明經博覽書傳
漢爲同學所重著有脉望公集及史測三十餘卷與
程弘志友善居荇庭數年其輯山志年七十欲支筇

入黃山諸子尼其行猶時時登紫霞山北望天都以
酒酌之其耽賞如此

黃俱字于升歙石嶺人少業儒年十八隨兄與禮普門
和尚於五明寺同邑汪有恒潘之恒王之傑吳光甯
在焉時四面佛已送登山普門欲募一人建大殿俱
之揆其制度需貲巨萬衆有難色惟俱以爲工費旣
大非獨力不能仟肩人果有志何難爲兄與讓之曰
弟失言衆皆驚視有恒曰未可量也迨鼎革而毀猶
未建俱年已六十遇玉林琇和尚上座息心偉於金

山一見契合迎歸敬禮之以夙願爲屬息心單心經
營於康熙丙午鳩工越巳酉大殿及韋馱彌勒羅漢
天王等殿東西禪堂次第落成壯麗軒敞浮於音門
之願古稱有志者事竟成歟

以上名賢寓公

人物志下

凡山志崇釋而抑道久矣茲山以鼎湖天子得名用以取冠釋氏誰曰不宜至阮曹之儔夙具偃骨應連類及之萬曆來禪宗日盛而黃山禪席寥寥故實律淨業談經諸緇流皆得著於緇惟已見建置無行蹟可採者不復載載者共五十餘人

軒轅黃帝姓公孫名軒轅有熊國君之子也母見大電遶斗感而孕二十二月生帝於軒轅之丘帝生而神異幼而能言長於姬水又以姬爲姓時榆罔世衰諸

侯相侵伐帝與蚩尤戰於涿鹿禽之於是諸侯歸尊
爲帝按周書紀異云黃帝嘗問廣成子以至道之要
答曰至道之精窈窈冥冥至道之極昏昏默默無視
無聽抱神以靜形將自正必靜必清毋勞毋形毋搖
爾精毋俾爾思慮營營乃可長生懷內閑外多智多
敗我守其一而處其和故千二百年未嘗衰老後帝
乃告浮丘公曰願侍修鍊浮丘公曰修鍊之地莫勝
於黥山帝遂與容成子浮丘公同遊山中經八甲子
月成黃帝服之毛髮鬢潤肌膚皆皺坼浮丘請至湯

泉浸七日皺圻陳華隨水浮脫泉中白龍見雲霧翳
空上有笙歌之聲逡巡雲氣開散天青日午香風襲
人珠函玉壺自空而下浮丘啓函中有霞衣寶冠珠
履壺中注瓊漿甘露浮丘曰此上天降下遂授帝帝
持歸石室浮丘遂於南嶺石壁題記以示後世帝飲
甘露瑤漿披霞衣簪寶冠躡珠履光輝山谷乘飛龍
上昇

浮丘公黃帝所侍修鍊者嘗謂帝曰鍊金成丹必資山
水山水靈秀丹藥易成臣嘗徧歷名嶽惟懸山爲神

僊都會山高木茂靈泉甘美能煮石成丹帝從公言
後與公偕僊焉公遊息之峰下有壇水旱祈禱多奇
應

容成子黃帝所受胎息之學者胎息學成吐陳納新谷
神不死黥山第十四峰名容成峰題容成子修鍊處
峰下溪曰容成溪洞曰容成洞臺曰容成臺蓋黃山
僊蹟容成爲多丘壑之淵容溪爲近

阮公不識何時人相傳於黥山第十七峰上昇故名上
昇峰

曹公古得道士白晝拔宅升霄軼其名遺蹟在曹溪銀杏根之陽其樹一本雙幹駢枝所謂連理樹不知幾千年相傳挂陌竿所化

晉羅文佑南昌人父塘同許遜學道晉太康中奉母諶之歛尋軒轅故蹟既而結廬長春里居焉丹成乘白狼去其燒丹故地草木長春丹井尚存母諶葬靈金山北麓

晉于明好釣魚於旋溪釣得白龍解放之後得書魚腹中教以服食之法于明遂上黃山採五石脂沸水而

服之二三年龍來迎去

釀酒道士軒轅肇下有僊石室曾有樵翁入室中見一
道士釀酒爲設一盃翁云天性不飲復彈琴說之翁
欲止宿道士云宿不得遂送出洞口忽到朱砂溪迷
入朱砂洞香林源不能出變成毛人故其地有毛人
巖

按黃山有兩毛人一棲石門峯下唐大曆中出山爲
人所殺

宋張尹甫別號松谷少習儒攜妻子隱梅塘江寧祐時
爲天水郡伯忤奸被謫遇天師得秘訣遂居僊源鄉

子峯下後得芙蓉屏樂之結庵演易有疾來告拔草
爲治輒愈善禱雨鞭策雷電人信慕之元大德庚子
五月二十日子時畱偈坐化壽五十六後屢著靈異
居民爲之造塔其妻亦耐焉

明程立陽敘人隆慶間結茆朱砂峯下自額曰步雲亭
修真養性趾不出山許少傅以詩贈之早從石室問
丹砂九轉丹成石作花欲養靈芽謝塵事肯容小構
伴僊家其道行爲文穆所重如此一日於木蓮花陂
預營塔所其徒李靜元奉遺命瘞之

福陽道人玄陽之徒也玄陽羽化時命道人繼主雲亭
遺屬將有所待丙午正月普門和尚至道人詢其原
號雲亭與庵額合又覺與所授遺屬冥契遂同草庵
圖瓢盡交與普門任從興造以羽士而成就佛域師
定於前徒成於後故予得載之焉

王九齡精丹學棲僊壇宮恆以刀圭起人疾立瘳叩其
名不答或曰太原人時年九十稱九齡尋往三茅山
四十年後陳輔性見於乾元觀娓娓談黃山舊事以
住山時揆之其年已百有三十餘歲矣

申清虛構精舍於洋湖題曰秋治箋註道德陰符二經
亦今之葛長庚也性尤好奇僊石橋在雲霞縹緲間
凡踪跡至清虛以帛絙而登之歎爲奇絕

天水道人從雁宕至黃山獨居蓮花峰廣誦華嚴三年
不輟遊人覩其儀容端肅持誦精勤莫不斂衽起敬
後莫知所終或云復歸雁宕

鳥窠道者淮安人武曰北直真定人采藥至山賞始信
學之奇而病其顛掩關別峯三年不語自署關額活
死人墓近遠聞之有過訪者遂避去不知所往

黃無心休寧人隱黃山海淨庵曾破產建洞天福地於
白嶽奉張邈邈邈邈去後寄書無心許其至八十
時當來山中傳以大道及無心死人亦疑爲尸解云
程君政歛人以呼吸偃仰治人痼疾有奇效築室鍊丹
臺於大悲頂創募鑿石徑通平天石景以搜而愈出
路似捷而實奇

酒媼曹溪謝才浩家媵婢也才浩娶婦汪潛溪人媼以
媵從事主終身無一日離凡治家勤勞之事皆力任
主生子三皆媼抱長大三死事三幼主幼主相繼壽

終焉凡更三夫夫亦相繼老死乃獨食其力山遊者
見而異之問年幾何曰不知也鄰里亦無知之者或
曰百歲以上或曰幾二百歲所居不設爨不設寢惟
晝往山中析薪暮則市酒飲終日陶然而已或賜之
酒必報以薪以茗無虛受與他物堅却強與之隨以
市酒舉人曹應鶴異其人醉以醇醪飲畢歡然而逝
以上僊籍羽士

南朝東國僧不知其名元嘉間結新羅庵鉢孟峰下斷
絕色味枯坐寒山三十餘年神異漸著擲鉢空中久

而始下石上卓錫泉隨錫湧一日僊樂來迎乘龍昇去

唐麻衣祖師包西來身毒國人編麻爲衣冬夏不易得其麻纓可療疾中和二年卓錫翠微峰下爲開山之祖遺像在焉按祥符舊志師值武宗沙汰時有偈達上云勅命如雷下翠微佛前垂淚脫麻衣山中有寺不容住四海無家何處歸帝回頌云忍僊林下坐禪時曾被歌王割四肢况我聖朝無此事祇令休道亦何悲嗣詔還山復歸斯寺

志滿姓康氏洛陽人幼少之年屬其家命沙門陳佛會
滿意樂不捨遂投穎川龍興寺出家聞洛下神會禪
師法席繁盛得了心要南游黃山靈湯泉所結茅茨
而止後採黃連鄉人見滿喜躍滿曰此何處耶鄉人
曰黃連山屬宣城也願師鎮此奈何虎豹多患滿曰
虎亦有佛性乃焚香祝厭之由是弭息遂成大禪院
後示寂春秋九十一永貞元年入塔焉

右見藏經高僧傳宅字卷十宋端拱時沙門贊寧等
奉敕撰首馬祖大師師爲曹溪二世祖闢法宣州黃
連山塔在湯寺後百步許崔龜圖嶺之上旁有洞亂
石磊磊古塚藏焉世遠蹟堙康熙壬寅僧某某因闕

藏訪得之弘濟大和尚來黃山禮拜塔下黃連往事
人不及知等於震雷一逝寂不聞聲矣千載後振興
古蹟之功豈可少哉

詩僧島雲慕東國僧擲鉢神異來遊黃山登天都峰登
峰之人莫之或先也聞絕壁尚存題志字雖剝落猶
可讀黃山懷古僊僧洞湯泉僊橋諸詩盛傳於時是
唐人黃山詩亦無有多於島雲者

八行明祥符寺主僧志存文獻景祐間刻黃山圖經并
唐宋名賢題咏山史肇興明爲功首

文太修葺祥符寺元符庚辰吳欽尉雁蕩周君錫圖經

行世文太蓋翼行明而起者

清素禪師自五臺至新安結茆曹溪紹興間辟微禁內
勅建普祐院賜號神慧永濟禪師遂爲院祖嘉定中
旱里人所禱荅之弗爽爰名其山爲大聖山

明法通居偃王山七齡出家年八十四僧臘七十有八
守戒念佛嘗預甃石塔以備自窆屆期沐浴更衣跣
坐而逝先歛以棺正統十一年其徒感夢欲易龕因
啓視形體和軟不異初化時乃復盤踞瘞塔中

全寧正統十一年來主祥符慨念寺宇傾頽開榛修葺

志稱其戒行精嚴機鋒敏慧無溢美焉禪棲之餘哀
集黃山題咏黔山文事漸累而盛矣

賜谷楊干寺僧念祥符寺日漸傾圯登陟者苦無息趺
所於嘉靖癸未挾其徒衆入山鳩工伐材重新之夫
以山外之僧而鼎葺山中古刹則亦可以知其志矣
智空氣骨昂然隆慶間賜紫不受遁跡居光明頂十五
年雖絕糧數日趺坐白若先是往參諸耆宿自徧融
妙峰若而人其苦行一一紀之書佚不傳爲可惜也
普門大師名惟安鄱縣奚氏子幼年孤苦薙髮受戒遍

叩宗師三十餘年來往少林五臺太行伏牛普陀諸
大道場萬曆丙午感夢入山開山草創法海禪院飯
依者衆糧糗乏絕相與食菜飲水亦不相離游京師
聲達禁苑賜七級四面金像並藏經金書法華經紫
衣金鉢寺額供佛大數師欲募有緣者一人獨任之
未果往參龍池老人透入牢關尋歸欲闢其義居無
何以賜佛因緣北至清源坐寂乘願禪林後輦骨黃
山建塔寺後白石鑿鑿桃花流水圍遶塔前今殿宇
巍然法眷寥落是所望於護法者耳自撰行蹟過繁

黃公與刪爲上下二卷今附山志後印行

如孝號敬賢精修戒律普門舉爲慈光寺主率衆焚修
爲兩宮祝釐禮部奉旨給劄山僧咸云德足副望人
敬仰焉

寓安大師名廣寄開化余氏子依雲棲蓮池宏公受具
足戒。勅示念佛法門命典維那職萬曆庚戌開朔
鉢禪院師道行高逸嘗夜行遇虎師徑前摩虎頭屬
曰佛子佛子爾無我虞我無爾怖虎戢尾受戒不動
不吼人爭異之師曰人虎相安理之自然於我法中

未爲貴也其薰修始末詳憨山清磔庵志兩大師塔
銘中

一乘霜頂皓然神采煥發從五臺來得地石林谷中途
開闢師子林每晚課畢必往宿始信峰絕頂如是者
三年師先是徧禮海內道場至黃山始結茅名山高
僧一時相值若水乳之投非偶然也後僧靈聞繼居
林中能詩文著有黃山紀勝集

靜菴蜀人形容短怪狀類獼猴居蓮花洞每夜登天都
絕頂燃天燈遍照十方剎度日以爲課百里內外見

大光明自師化後徑迷烟熄古佛一燈遂成荒落

澗菴關中人遊名山至慈光與同衣金峰力佐普門開
山天都崇峭難登二人嘆曰是人本無上志耳若志
期必到何天之不可階升每當險絕處二人負輹踴
躍前導了無難色普公北遊澗菴理治寺務斬斬有
法繩普公頌臨清復率其徒輦骨還山歷數年始寂
墨浪少從趙宦光學工草篆後爲安公書記結庵白龍
潭得念佛三昧每勸人從止觀着力亦闢黎高座也
如愚字韞璞江夏人少爲書生跣跣負俗自矜才藻薤

業後使性重氣時時作舉子業思冠巾人俗與時人
角逐已而復罷爲雪浪思公受法弟子思纂其席僞
爲公批抹郭祭酒集詩使逐公僅而獲免人以是咸
惡之後入燕狼狽而死如愚爲人才辨縱橫筆舌掉
厲以詩遊宰官族姓搖筆數千言立就曹宗伯學在
傳文恪公皆序其詩以傳萬曆間於後海創建靜室
名指象處日居其中以著述爲事

寶相一心念佛助安公開闢叢林數十年往來諸檀越
家持鉢募金不怠時山豪嘯聚山中呼爲念佛和尚

禮拜而去

方來號曉宗沁水人佐普公開黃山建立十方常住後
嗣普公主慈光梵行精嚴不肯招畱眷屬使認十方
物爲已有順治丙戌秋一日告大衆無疾化去今嗣
法無人普公清規盡更矣方來初寓伏牛山得鍊礬
語法與普公契合普公素精等韻談口惟師獨得其
秘時法藏嚴公亦有開山功募建藏經閣其最大者
徑山雪嶠大師名圓信鄞縣朱氏子二十九歲落髮欲
往天台訪尋知識印證忽抬頭見古雲門三字豁然

大悟遂返縛茆雙髻峰復以偈謁雲棲次參龍池室
中機契萬曆間遷徑山復住廬山開先淨土詩自叙
云甲子秋遊黃山直上危峰絕頂若昇忉利忽空中
人語比丘久隱時當弘法衆生差異善調伏之知淨
土百咏成於黃海光明頂也崇禎八年中丞余大成
司理黃端伯訪師徑山卽請開法順治丁亥八月二
十六日示疾書偈端坐索茶飲半盞放下而寂

林臯大師名本豫號晦夫崑山陳氏子十九脫白誦金
剛經有省得法於磬山修和尚居黃山指象處三年

黃山志卷之十一
二
一日偕普門和尚看瀑布普云此泉在心內在心外
師云內外且置你道此泉從何處來普云原來其中
人也師與普公從此心契師後歸夾山法席道大顯
著唐宋尊宿語錄各加品評爲宗門誠範順治丙戌
預計時日定逝期說偈卽寂

朝宗大師名通忍武進陳氏子能詩文少究心益易之
道後謂益精易形僅得僂耳猶未能了徹生死乃決
意參禪遇密雲老人神領意得頓在言前遂付法師
年僅三十餘卽開堂金陵老人追至欲責之師潛避

余中丞家獲免遊化至天都僧不畏迎居別峰庵順
治戊子示寂寶華有寶華語錄閣維後頂骨齒牙堅
好不壞遂於龔公山葬焉

元白大師名音可武岡鄧氏子年二十謁顧愚衡公遂
祝髮學圓通法門參訪博山湛然慈山雪嶠諸老二
十四謁天童密公多所咨扣楮柱大法爲同參所忌
遂辭去過江陰黃介子請開堂豎拂溯江右恢復泐
潭祖庭新之因掃遠祖塔至浮山紳士請弘法慧山
二十餘年重建佛刹宗風烜赫居無何退休舒城華

蓋山復應安徽張撫軍之請住錫皖城清涼菴撰集
圓通廣懺六十卷刻板行世一日示微疾委順而化
弟子奉全身塔於潛之天柱世壽七十六僧夏五十
六所著語錄若干卷公常棲黃山蓮花峰庵有詩黃
海青蓮開萬仞天都猶下未爲高予何直到青蓮上
樂道三年此結茆讀此詩知公之見地超卓亦知公
之久住黃山矣

雲外大師名行澤婺源汪氏子幼喪父母貧苦徹骨決
志出塵崇禎癸酉竟投雲谷禪院薙髮法名智澤從

禹公派也後往雲棲掃塔住二年參天童老人問如
何用心得個入頭處老人云無心可用是汝入頭處
復參松際和尚呈偈心契遂闕法易今名壽付住靜
五乳五祖禪堂黃梅老祖庭六泉山永慶寺皆居之
順治壬辰開堂資聖宗風大振甲午冬圓寂神鼎卽
瘞祖塔之右龕全身焉松際大師名通授號印中磬
山修和尚嗣法弟子玉林國師之兄開法陽山世稱
爲陽山和尚

石雨大師名明方嘉興陳氏子洞上湛然和尚法嗣參

學來新安主曹應鵬家嘗同方夜輩登天都峰絕頂
後開堂寶壽九峰猶時時懷黃山故人見於吟咏

見月大師名讀體雲南人從三昧大師受具戒執侍十
餘載時華山座下環擁千人戒律推師爲首遂授衣
鉢過黃山演律慶雲巖旋棲靜貝葉庵三載繼主華
山席學人盛集數十年近數萬餘人海內咸噴噴肉
身菩薩出世云康熙己未春正月圓寂

無易大師名大守婺源張氏子寓安寄公法嗣專事淨
業一門繼主鄒鉢禪院多所創作細規淨肅器鉢無

聲晨昏鐘鼓課誦不間不爽也師戒行精肅登壇施
平等法食尤多格冥之驗順治辛卯跌坐念佛逝

智舷字葦如號秋潭秀水金明寺僧嘉興梅溪人晚構
黃葉庵於醉李之西郊自稱黃葉老人修竹百竿晨
夕手自拂拭客至拾落葉煮茶竟日無寒暄語吳越
士大夫咸敬禮之所心契者吳少君殷方叔陳仲醇
也秋潭神韻孤迥眼如鶯子善吟道價隆重諸方尊
爲耆宿而不領衆不立侍者書記日煨品字柴支折
脚鐺呬晤黃葉堆中而已遊黃山下築不成今存數

詩出語烟霞冰雪殆晝澈之流貫休齊已不足數也
晦曇關中人初依博山後久住文殊院絕粒三年刺血
書華嚴經日飲水因號水齋又燃指供佛詰之者曰
如此了得生死不展手云生死在何處或問曰一口
吸盡西江水時如何云砍柴漢不會佛法

果然休寧汪氏子販牛爲生一日見牛見異相大驚遂
改業尋至山東時憨山清公遜迹牢山謁之隨乞剃
髮服勤五載以省親歸因登黃山擇靜地遂結茆珠
湖山蓬頭跣足飲澗茹蔬不出山者數載遠近檀越

助成梵刹以香山庵額焉崇禎己卯微疾示寂瘞庵
左臨寂屬其徒本如日二十年後爲我開塔屆期憶
遺命啓壙形貌如生遂金飾其體龕奉庵之丈室居
常髮長不剪任其盤結寂時脫下如帽今供菴內時
發異香

毒鼓常參天童博山諸老宿愛蓮花峰奇勝遂棲止焉
每夜下浴湯池沿路持佛號聲震山谷歸時達旦率
以爲常高郵故人圓寂往弔之炷香畢遂沐浴趺坐
龕左而化

心月原爲吳中翰梅花庵主僧後晤普門大師遂愆惠
中翰作檀施主人山建天海庵浩力開荆津梁接引
左右普門之功爲多

老巢北人誅茅丞相東源編竹爲籬見人無交接禮無
酬答語惟終日喜笑自得人呼之曰笑和尚獨居黃
谷庵中數十年如一日

融真杖笠參訪曾謁千頃無澤和尚縛茆獅子峰每以
餅貯白雲客至捧甕列几決寶引出初如烟縷篆鼻
少頃彌布觀者歎異

萬緣期寶珠庵苦行力作負石磴道住庵三十年木食
草衣棧緣任運瓢笠不離山外一步

游蓮號佛乘肩山人年少工詩有老成風格性耽游覽
逢幽便住遊黃山歸次豐溪忽死爲僧十數年僅二
十有四歲之恆曹應龍許君常與結社溪干應鵬因
刻其集行於世

印我持律精嚴刺血書經於蓮花庵法海買山之功其
首事也庵中香几鼉牀鐘鼓架皆印我搜剔厓谷取
古木蘭根手製盤旋如鼉龍波斯諸形朝夕磨礱瑩

若截肪而几尤詭異可玩有好事者欲移置牀去曰
欲得是貪不得生嗔心若果愛須舍身庵中朝夕坐
是得證菩提果何煩移動爲其人乃止香几復爲慈
光僧昇贈吳翰林翰林物故歸塢田某氏卽一樹根
木屑不能永鎮山中是可大嘆也

大用縛茆煉丹臺畔僊石橋爲黃山最險兩峰絕處各
出峭石彼此相抵有若筍接接而不合似續實斷師
夜渡橋高聲念佛號山谷傳響數里外皆聞其聲
文齋歎人世壽六十有五爲僧僅七年不談禪不持誦

止言萬法俱空一善是實惟勸人行善而已嘗寄居
望僊鄉譚昌胃靜室數年忽語譚云崇禎庚午桂月
哉生魄是子歸期譚未之信次年六月朔索缸二具
往箬嶺八里岡騎龍庵庵蓋文齋始披剃處也中秋
薄暮口占偈云人法皆空心自休也無歡喜也無愁
風平浪靜雲歸去月照寒潭一色秋詰晨禮佛畢挈
蒲團出山門外合掌跏趺向西端坐而化

一齋大師名性壽邵陽人得五臺成芳和尚鉢戒律森
嚴惠藩聞師高德迎至荆南未幾辭歸賜紫遣內臣

送至黃山雲谷禪院賜額大寶王剎師至後建立佛
事院之規模日肅矣後主慈光方丈事教化大行凡
吳越之士聽法者雲集龕塔在慈光山門之陽程公
嘉燧爲撰緣起勒碑塔所

印生巢縣人始從黃山遍周師剎度旋受具戒於成芳
和尚復參無念語風雨老人惠藩優異之奉令旨徧
朝名嶽崇禎末歸老翠微峰下構一室額曰翠雲忽
一日說偈云自性天真佛不住人間屋光明殿上居
百草頭邊宿卽跏趺逝塔在庵右

心空大師名海學大興人荊州惠府剃髮僧受具戒於一齋和尚爲慈光監院後居翠微重建殿宇開律壇傳授衣鉢持穢跡金剛神咒數十年冥感之事亦多閉關惠府時凡受衣服臥具輒隨手脫贈自忍寒凍師爲人慈厚大約如此

照微真定人居蓮花峰下喝石居梵謬之暇樂襄遊覽宇內巨公韻士有濟勝不逮者炤微輒扶掖而升不使退阻與松圓詩老結契獨久松圓有長歌贈之

磔庵大師名正志卽熊開元號魚山天啓乙丑進士初

今崇明調吳江辛未考治狀第一授吏垣壬申建言
左遷還嘉魚庚辰奉新旨坐補晉臬首領官小不得
辭壬午徙光祿入都召對德政殿請退輔臣面奏不
允略陳大義而已遵諭翼日補本遂觸聖怒總憲劉
公宗周僉憲金公光宸救之皆下獄同日嚴譴季冬
廿一日公與姜公塚受杖闕廷公一心稱觀音名於
前所見所聞無不井井獨杖下自一至百似有物憑
之皆不覺雖糜泆與衆同而神不受則霄壤別矣後
上怒稍霽戍武林衙亂後剝染住潭州融山佳山養

鹿池共七年而人不知爲公也辛卯參靈巖繼起儲和尚遂付法晚歲開堂鄒鉢禪院距院里許擇勝地爲衣鉢塔悠然有終老之志後應仰山請甲寅流寇將入徽山頭雨血公先期去吳下於華山示寂遺命歸婺源中未果閱三載新安紳士成公志迎歸入塔塔在丞相源之陽公博極羣書雖沈湮內典好以儒理教人著有擘庵別錄六卷行於世

白毫大師名大時歛人卽凌世韶字官球崇禎甲戌進士官戶部處約味道奉母至孝所著古文詞清與幽

折善戈法做秀才時卽長齋事佛登第後布衣蔬食
清操愈嚴乙酉到山薙染住文殊院閱藏後挂錫秣
陵示寂天界禪堂寂頃玉箸雙垂云

無知大師嘉善人卽錢默字不識年甫弱冠登崇禎癸
未進士起家縣令會鼎革剃髮出家參訪次新安投
擲鉢禪院皈依無易大師法名智燈著有淨土詩旂
戊子偕衲友幻清游山陰卒於顯聖寺

吳山大師名弘濟號益然歙人卽江沐日字扶光崇禎
癸酉舉人甲戌會試房考文公震孟賞其文幾以第

一人魁天下後官兵部武選司主事幼讀書黃山國
變入閩爲僧得法於洞上古航舟大師古航爲博山
法嗣師主吳山三十五年山多虎見師咸懼伏浦城
令過訪師送之途遇虎麾使去令因築天香閣於邑
中延禮焉師入城嘗有鳥數千隨其後戊午因老友
招歸黃山暫憩廣陵己未五月三日將示寂作詩簡
諸子復言前身爲孤山老僧癸酉道經山中語諸友
前因皆茫然因以所書法華經某卷藏某處爲信衆
始驚異靈蛻自茶毘焉天中節集從學數人賦詩限

死字韻至午諸人詩未就遂大書五月五日三閔死
一章章百十六字字法端勁晚猶批閱黃山志十四
葉間漏下幾刻侍者以亥時荅遂寂年七十五諸從
學議殯禮至日中不決友人黃俱至定從釋議衆謂
師身已僵扶之忽起坐兩足如綿面赤色身有香氣
端坐兩晝夜入龕俱暨同邑程量入子之韻江湘江
徵遠爲送龕歸黃山造塔

國朝弘道號柏子欽竭田呂氏子早依具德禮公有契
證以母老歸省住大悲頂有琉璃見瑞之異康熙六

年三月示寂臨寂偈云來空去寂牛墟斗室曠劫以
來何異今日

弘仁號漸江歙人俗姓江名韜字六奇少孤貧性癖以
鉛槧膳母一日負米行三十里不遠則欲赴練江死
母大殯後不婚不宦遊幔亭飯報親古航師圓頂焉
後返新安歲必數遊黃山每嘆武夷之勝勝在方舟
泳遊而黃山之奇海市蜃樓幻於陸地殆反過之師
將省墓界口並詣鳩茲別湯燕生然後入山研究性
命之學皆不獲如願臨終擲帽大呼我佛如來觀世

音佛而逝墓在披雲峰下友人蔣梅花數十本以大
招之從師志也善畫初學一峰晚法雲林已入清閬
三昧尤好繪黃山松石人爭寶之

道據號恒證湘潭人原籍新安程氏子禮霜輪和尚薙
髮自南嶽寄錫宛陵秋浦間歷參慈山博山天童諸
老惟侍天童最久喜接文士多所關說從遊之徒茲
輟接踵初住郡城白雪樓後入山演法數年順治丁
酉年示寂

如東號明賜真定人隨欽賜龍藏到山歷四十餘年皆

住山中齒且耄無他奇人亦以尋常比丘視之順治
丁酉冬恆證抱病將出山就療如東曰和尚無往俟
期至偕行恆證示寂方息偃在牀聞之呼曰和尚行
乎姑待我遂逝

楚烟族姓陳原名悍鶴澤庠生晚好著詩偶說書多成
於黃山風泉雲壑中每夜靜天空輒登峰狂叫如是
數月死瘞骨普同塋中

行偉號息心金壇人俗姓于母湯感夢而生數齡有異
人相之曰此子骨標凡形頂有奇骨殆獅子座中人

也稍長避兵洮川墮木誦大士號得巨木以濟年十七貿易渡江復覆舟金山老僧拯之因憶夙心遂祝髮隨詣華山受具參訪殆遍後得印於天目大覺禪師康熙丙午黃太學俱屬歸入山鼎建慈光大殿放南省報恩殿式殿成返天目老人命主扣木放生池凡六載戊午季冬示寂維揚淨慧園黃太學遂龕至京口同其師兄行遠建塔於八公洞之陽

以上高僧名僧

黃山志定本卷二

畢